

ՄԱՏԵՆԱՇՄՐ Հ. Բ. Ը. ՄԻՈՒԹԵԱՆ

ՀՐԱՇԱԳՈՐԾ ՄԻՈՒԹԻՒՆ

ՀՐԱՆԴ ՀՐԱՀԱՆ



1936

ՏՊԱՐԱՆ «ԼՈՅՍ»

ԲԼՈՎՏԻՎ

361
N-94

361

2-94

ՄԱՏԵՆԱՇԱՐ Հ. Բ. Ը. ՄԻՈՒԹԵԱՆ

ՀՐԱՇԱԳՈՐԾ ՄԻՈՒԹԻՒՆ

ՀՐԱՆԳ ՀՐԱՆՍ



1936

ՏՊԱՐԱՆ «ԼՈՅՍ»

ԲԼՈՒՏԻՎ

114 JUN 2013

43.059

1 MAR 2010

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ




63495-67



ՊՕՂՈՍ ԿՈՒՊԱՐ ՓԱՀԱ

ՀԻՄՆԱԳԻՐ - ՆԱԻԱԳԱՀ

Հ. Բ. Ը. ՄԻՈՒԹԵԱՆ



ՅԱՌԱԶԱԲԱՆԻ ՏԵՂ



Վաղուց զգալի էր այսպիսի հրատարակութեան մը անհրաժեշտութիւնը, ծանօթացնելու համար Հ. Բ. Ը. Միութիւնը իր եութեան մեջ հայ ժողովուրդի բոլոր խաւերուն, բայց մանաւանդ նորահաս սերունդին, որ այսօր օտար հորիզոններու տակ ուժանալու եւ ազգային դիմագիծը կորսնցնելու վտանգին դէմ յանդիման կը գտնուի:

ձակատագրական այդ վտանգին դէմ բուժք կանգնելու գերազանց կոչումը մարմնացնող Հ. Բ. Ը. Միութիւնը, իր բարոյական եւ նիւթական առաւելութիւններով, լաւագոյն արդիւնքները կարող է ձեռք բերել այդ ուղղութեամբ:

Արդարեւ, երեսուն տարի յարատեւող եւ աւելի քան ամրապնդուող եւ բազմահազար անդամներ հաշուող Միութիւն մը, որուն միակ եւ գլխաւոր նպատակն է՝ ՕԺԱՆԴԱԿԵԼ ՀԱՅ ԺՈՂՈՎՈՒՐԴԻ ՆԻ ՀԱՅ ՀԱՅՐԵՆԻՔԻ ՄՏԱԻՈՐ, ԲԱՐՈՅԱԿԱՆ ՆԻ ՏՆՏԵՍԱԿԱՆ ԶԱՐԳԱՅՄԱՆ, իրաւունք ունի աւելի լայնօրէն նանչցուելու եւ գնահատուելու բովանդակ հայ ժողովուրդին կողմէ:

Հ. Բ. Ը. Միութեան նոր որդեգրած կրթական ծրագրերը, այսինքն նոր սերունդի բարոյական եւ ֆիզիքական դաստիարակութեան ազգապահպան ձեռնարկը, աւելի քան երբեք կը պարտադրէ մեր երիտասարդութեան նանչնալ եւ գնահատել Միութիւնը ու վաղը իր կարգին զօրավիգ հանդիսանալ անոր:

„Միութիւնը զօրութիւն է“ գեղեցիկ նշանաբանով համազգային եղբայրութիւնը նուիրագործող Հ. Բ. Ը. Միութիւնը նախախնամական բարիքներ սփռած է ցարդ իր շուրջը, քէ՛ Հայաստանի եւ քէ Սփիւռքի մեջ: Այդ բարիքները միշտ պիտի սփռուին եւ աւելի շատ՝ երէ ամէն հայ

զգայ իր պարտականութիւնը եւ ուժ տայ անոր, բարոյական եւ նիւթական յր օժանդակութիւնը տրամադրելով, ըլլա՛յ իսկ համեստ:

Այս հրատարակութեան ձեռնարկած ենք մասնաւորապէս Հ. Բ. Ը. Միութիւնը՝ նոր սերունդին ծանօթացնելու եւ սիրցնելու նպատակաւ, այս առթիւ լայնօրէն օգտագործելով եւ ըստ կարելոյն ամփոփելով այդ Միութեան բազմազան հրատարակութիւնները եւ անոր վարիչ—Պատուիրակին շահեկան ծանօթագրութիւնները:

Այս գրքոյը նորահաս սերունդին համար դասագիրք մը ըլլալու սահմանուած է, բայց անկէ աւելի ամէն հայու մատչելի աւանդագիրք մըն է, որ սպազուած է որպէս Հ. Բ. Ը. Միութեան «Մատենաշար» ին առաջին հրատարակութիւնը:

Ձերմայէս փափաքելի է որ հայ վարժարաններու երէց աշակերտներուն ձեռք տրուի ան, եւ ուսուցիչներն ալ բարի ըլլան իրենց կողմէ բացատրելու անոր պարունակութիւնը քանի մը բացառիկ դասախօսութեամբ, շեշտելով այդ մեծ Միութեան կատարած ազգայնապանման վսեմ գործը՝ Հայրենիքին եւ գաղութներու մէջ:

Ազգասիրական այդ առաջադրութեամբ Բարեգործականի բրած եւ դեռ ընելիք անհումար զոհողութեանց փոխարէն, նոր սերունդը, երախտագիտական ջերմ զգացումով համակուած, պարտաւոր է ինքն ալ նուիրուիլ եւ գործակցիլ՝ ի խնդիր անոր բարգաւաճման:

Ամէն համերաշխասեր հայ անոր հովանիին ներքեւ միայն պիտի գտնէ խաղաղ եւ սրտազին համագործակցութեան մը հոգեպարար վայելքը, առանց վէճի եւ պայքարի, միայն եւ միայն հայութեան բարիքը հետապնդելով, գործնականապէս, իրատես ոգիով:

Հ. Հ.

ՀԱՅԿԱԿԱՆ ԲԱՐԵԳՈՐԾԱԿԱՆ ԸՆԴՀԱՆՈՒՐ Մ Ի Ո Ւ Թ Ի Ն

ԲԱՐԵԳՈՐԾԱԿԱՆ Ի՞ՆՉՊԷՍ ՀԻՄՆՈՒԵՅՄԱԻ (ՊԱՏՄԱԿԱՆ)

Դեռառի բարեկամներս, գիտեմ որ թաղուած զանձի մը պատմութիւնը կամ քաջի մը յաղթական կռիւը աւելի ուժգին կը խօսի ձեր մասաղ սրտին, քան թէ իրական դէպք մը որ չի փայփայեր երեւակայութիւնը:

Ձեզի պիտի պատմեմ շատ գեղեցիկ դրուագ մը, որ մեր ազգին ամէնէն փառաւոր երեւոյթներէն մին կը կազմէ, սխրալի պատմութիւն մը որուն դերակատարները այլապէս քաջարի հայեր են, անձնուէր և բարեգործ հայեր, որոնցմէ շատերուն անունները լսած էք առասպելի մը պէս և որոնցմէ ոմանք անմահացած են արդէն:

Ուշադրութեամբ մտիկ ըրէք, որովհետեւ վաղը կարող ձեզի պիտի դայ, դուք ալ պիտի կոչուիք ձեր ազգա՛: ուէր դերը կատարելու այն հոյակապ գործին մէջ որուն նկատմամբ ձեզի կը խօսիմ որպէս համեստ դաստիարակ մը:

Մինչեւ հիմա ձեր լսած ու կարդացած պատմութիւններուն այլապէս գեղեցիկ ու սրտազրաւն է տարեգրութիւնը Հայկական Բարեգործական Ընդհանուր Միութեան, որովհետեւ ամէնէն օգտակար և փրկարար հիմնարկութիւնն է հայ ժողովուրդին և հայ հայրենիքին համար: Ձեզի պէս փոքր, բայց մանաւանդ չքաւոր

տղաքներ և հազարաւոր որբեր այդ հսկայ կազմակերպութեան բարիքները վայելած են ու տակաւին կը վայելին, որպէս զի վաղուան Գիտակից և պարտաճանաչ հայ քաղաքացիներն ըլլան:

Գիտցէ՛ք որ Ապրիլ 15 ը ազգային մեծ դէպքի մը տարեդարձն է, որովհետեւ այդ օրն էր, 1906 ին, որ Գահիրէի մէջ հիմը դրուեցաւ Հայկական Բարեգործական Ընդհանուր Միութեան, և խորհրդաւոր զուգադիպութեամբ մը այդ օրը Չատիկ էր: Այդ թուականին ձենէ շատերուն ծնողքները իրենց ծննդավայրերուն մէջ կ'ապրէին: Բայց հայ ժողովուրդը իր քնազաւառին մէջ ենթարկուած էր այլազան դժբախտութեանց՝ հալածանքներու և կոտորածներու հետեւանքով:


Պօղոս Նուպար փաշա, ազնուական և վեհօգի Հայը, որուն անունը ծանօթ է հայ հարուստին ապարանքէն մինչև աղքատին յետին խրճիթը, կը մտածէր դարման մը գտնել իր տառապած ազգին նիւթական և բարոյական կարօտութեանց:

Հակառակ իր ձօխ և փառաւոր կեանքին, անոր սիրտը կը բարախէր իր քամրախա արեւակիցներուն համար: Ի՞նչ կ'արժէ անհատին երջանկութիւնը՝ երբ իր շրջապատը համակուած է թշուառութեամբ, մանաւանդ երբ մարդ քիչ մը խիղճ և զգացում կը կրէ իր մէջ:

Ու մեծ Հայուն, Եգիպտոսի վարչապետ Նուպար փաշայի արժանաւոր յաջորդը Պօղոս Նուպար, 1906 Ապրիլ 15 ի Չատիկի օրը Գահիրէի իր ապարանքն հրաւիրեց ազգասէր ծանօթ հայեր՝ Եագուպ Արթին փաշա, Տօքթ. Ն. Տաղաւարեան, Գրիգոր Եղիայեան, Կարապետ պէյ Շէրիաճեան, ինչպէս նաև Երուանդ Աղաթօն պէյ և Մըկըրիչ Անդրանիկեան՝ որոնց հետ արդէն պատրաստած էր ծրագիր մը «Հայկական Ընդհանուր Բարեգործական Միութիւնը» կազմելու համար:

Պօղոս Նուպար փաշա այդ ծրագիրը մշակած էր՝ առաւելապէս ներշնչուելով հրէից «Ալիանս Իզրայէլի»էն: Խանդավառ ուղերձ մը ըրաւ իր բարեկամներուն,

Թրթոացուց անոնց զգացումները, բացատրելով կազմուելիք Միութեան գլխաւոր նպատակը՝
ՍՍՏԱՐԵԼ ՀԱՅ ԺՈՂՈՎՈՒՐԴԻ ԲԱՐՈՅԱԿԱՆ, ՄՏԱԻՈՐԱԿԱՆ ԵՒ ՏՆՏԵՍԱԿԱՆ ՎԻՃԱԿԻ ԲԱՐԵԼԱԻՄԱՆ:



ԵՍԳՈՒՊ ԱՐԹԻՆ ՓԱՀՆ

ՀԻՄՆԱԳԻՐ ՓՈՒՆՆԱԿԱՅ

Հ. Բ. Ը. ՄԻՈՒԹԵԱՆ

Այսինքն, օգնութիւն և պաշտպանութիւն ընծայել ամէն հայու, առանց դաւանանքի խտրութեան, հայ գիւղացիին նպաստել, անար հայթայթելով սերմնացու, կենդանի, երկրագործական գործիք և մշակելի հող: Ամէն տեսակ ազէտ, արկածեալ վայրերու բնակչութեան անմիջապէս օգնութեան հասնիլ: Հիմնել վարժարաններ, մասենադարաններ, արհեստանոցներ, դարմանատուններ և սրբանոցներ: Երկրին պայմաններուն համապատասխան եղանակով աշխատութեան միջոցներ ստեղծել ժողովուրդին և ընդհանրապէս սաստրել անոր առողջապահական պայմաններու բարելաւումին:

Ժողովականները միաձայն հաւանութեամբ ընդունեցին անոր առաջարկը և ստորագրեցին առաջին ատենագրութիւնը, կազմակերպուած հոշակելով Ընկերութիւնը:


Անգլերանիկ Կեդր. Վարչական Ժողովի գիւտնը անմիջապէս կազմուեցաւ հետեւեալ կերպով. —

Պօղոս Նուպար փաշա՝ ատենապետ, Եագուպ Արթին փաշա և Ե. Աղաթօն պէյ՝ փոխ-ատենապետ, Մ. Անգլերանիկեան՝ գանձապետ, Տօքթ. Տաղաւարեան՝ ատենադպիր, որուն երկու ստորի վերջ յաջորդեց իրաւագէտ բանաստեղծ Վահան Մալէզեան՝ ստանձնելով ընդհանուր քարտուղարի պաշտօնը եւս՝ պաշտօններ դոր մինչև այսօր բոլորանուէր կը վարէ Վարիչ-Պատուիրակի և ընդհ. Տնօրէնի հանգամանքով:

Թէև Եգիպտոսի մէջ նման հանրօգուտ ընկերակցութեանց մասին մասնաւոր օրէնք մը դույսութիւն չունէր, բայց օրուան Վարչապետը Մուսթաֆա Ֆէհմի փաշա մասնաւոր պաշտօնագրով մը բացառապէս շնորհաւորեց հայ փաշաները «որ հայաց նիւթական և բարոյական վիճակին բարելաւմանը համար հոգածու կը գանուին» և անոնց հաղորդեց որ «կառավարութիւնը կ'ընդունի այդ գործին օգտակարութիւնը և յաջողութիւն կը մտղթէ»:

Այսբան վե՛ և օգտաշատ նպատակով կազմուած

Միութիւն մը բնականաբար մեծ համակրանքով սղջունուեցաւ ազգին բոլոր շրջանակներէն՝ մինչև ժողովուր-



ԵՐՈՒՍՆԻ ՊԷՅ ԱՂԱԹՕՆ

ՀԻՄՆԱԴԻՐ ՓՈՒ-ՆԱԽԱԳԱՀ

Հ. Բ. Ը. ՄԵՌՈՒԹԵԱՆ

դի համեստ խաւերը, և համակրալիք ուշադրութիւնը գրաւեց շաղագային և կեկեղեցական իշխանութեանց, վասորն զի քառաջին անգամն էր որ կը տեսնուէր կազմուելը այսպիսի մեծ Միութեան մը՝ որուն հիմնադիրները և ղեկավարները ոչ միայն հարուստ և ազդեցիկ անձեր էին, այլ նաև յարգուած պաշտօնատարներ և մասւորականներ:

Վաղուց ամէն խորհող և զգացող հայու բաղձանքն էր տեսնել «համազգային կազմակերպութիւն» մը ձեռքնհաս և փորձառու բարձր անձնաւորութիւններէ ղեկավարուած, որուն նպատակն ըլլայ հնարաւոր ամէն միջոցներով բարելաւել ազգին վիճակը և ապահովել անոր գոյութիւնը իր պատմական հայրենիքին մէջ, իր պայմենական հողին վրայ:


Կաթողիկոսներ, Պատրիարքներ և Եպիսկոպոսներ ու Վարդապետներ, ինչպէս երջանկայիշատակ Հայրիկ, Իզմիրլեան, Գէորգ Ե., Բաբգէն Ա., Կաթողիկոսները, Պատրիարք Եղիշէ Արք. Դուրեան, Գերբըջ. Պօղոս Պետրոս ԺԳ. Թէրզեան, Կիլիկիոյ Կաթ. Վեհ. Սահակ Բ., ևն, խոր համակրանքով գնահատեցին Հ. Բ. Լ. Միութեան կազմն ու գործը:

Միութեան կազմութենէն անմիջապէս յետոյ, Կեդր. Վարչութիւնը ընդհանուր կոչ մը ուղղեց հայ ժողովուրդին, պարզելով իր ծրագիրն ու ուղղութիւնը որ ժամանակի ոգիին համապատասխան գտնուեցաւ, այսինքն ամէն ոք հասկցաւ թէ Միութիւնը «աղքատախնամ մարմին» մը չէր, այլ ազգաշինական հոյակապ ձեռնարկ մը՝ որ պիտի ստատրէր հայ ժողովուրդի խաղաղ զարգացման և ինքնազօրացման:

Տարիներ վերջ, Հ. Բ. Լ. Միութեան հիմնադիր Պօղոս Նուպար փաշայի, որ առաջին օրէն ցկեանս նախազահ հռչակուած էր, ինչպէս նաև Կեդր. վարչ. ժողովի կարեւոր անդամներէն ումանց Բարիզ հաստատուած ըլլալուն հետեւանքով և ուրիշ կարգ մը գործնական պատճառներով, Միութեան կեդրոնատեղին Գահի-

լէն Բարիզ փոխադրուեցաւ 1922 ին, բայց մինչև 1926 վարչական մեքենան մնաց Գահիրէի Գործադիր Ժողովի ձեռքին մէջ:

Յետոյ պէտք տեսնուեցաւ Միութեան իրաւական դիրքը աւելի հաստատուն հիմերու վրայ դնել և 1924ին




Տ. ՄԿՐՏԻՉ ԱՆԴՐԱՆԻԿԵԱՆ

ՀԻՄՆԱԴԻՐ - ԲԱՐԵՐԱՐ ԱՆԴԱՄ

Հ. Բ. Լ. ՄԻՈՒԹԵԱՆ

վերածուեցաւ Զուլիցերական Ընկերակցութեան մը, առանց սակայն դրութեան մէջ զգալի փոփոխութիւն մը մտցուելու: Զեռք բերուած իրաւական անձնաւորութեան շնորհիւ Միութիւնը այլևս օրինապէս կրնար ստանալ

ամէն տեսակ կտակներ և կալուածներ: Անիկա արդէն առաջին օրէն իվեր հաւատարմօրէն կը գործադրէ կտակները և կը յատկացնէ բոլոր հիմնադրամները, այնպէս ինչպէս կտակարարն ու նուիրատուները փափաք յայտնած են, առանց որ և է շեղումի:



Տ. ԳԱԼՈՒՍՏ ԿԻԻԼՊԷՆԿԵԱՆ

ՆԱԽՈՐԳ ՆԱԽԱԳԱՀ

Հ. Բ. Ը. ՄԻՈՒԹՅԱՆ

Այս է պատճառը որ հայ բազմաթիւ հարուստներ անոր կը վստահին կարեւոր դուժարներ, ապահով թէ այդ հիմնադրամները պիտի գործածուին իրենց բաւնապատակին, թէ՛ հայ դպրոցը, հայ չքաւորը և հայ հայրենիքը պիտի օգտուին կանխորոշուած պայմաններով:


Կասկած չկայ թէ այս խղճամիտ գործունէութիւնը և ազգաշէն սեղողութիւնն է որ ազգին բոլոր ողջամիտ զանգուածներուն մէջ Բարեգործակօնի չուրջ ստեղծած է անսահման համակրանք և վստահութիւն: Արդարև, Հայաստանի և զազութներու բարիքն ու յառաջիմութիւնը փափաքող ամէն խելահաս և իրատես հայ այսօր երախտագիտութեամբ կը խոստովանի թէ՛ Բարեգործականը հաւատարիմ մնացած է իր սելտին և ծրագրին, երեսուն տարի շարունակ բարիք սփռելով աշխարհիս չորս կեզմը ցրուած աստանդական հայութեան, նեղուսէն մինչև Արարատ:

Պօղոս Նուպար փաշա, որուն անունը անքակտելի կերպով կապուած է Հ. Բ. Ը. Միութեան անունին հետ, ո՛չ միայն որպէս անոր հիմնադիրն ու բարերարն, այլ նաև որպէս մեր ազգային դատին մեծ ախոյեանը, յառաջացած տարիքին և հիւանդագրին վիճակին բերմամբ 1930 ի: հրաժարեցաւ նախագահութեան պաշտօնէն, և իրեն յաջորդեց նախ սերիշ մեծանուն հայ մը՝ Տ. Գալուստ Կիւլպէնկեան և յետոյ իր արժանաւոր զաւակը Չարէս Նուպար պէյ:

1931 ին Հ. Բ. Ը. Միութեան Արծաթեայ Յարեկեանը տօնուեցաւ փառաշուք հանդէսներով, մասնաւորապէս Բարիք՝ Սօրպօնի մեծ ամփիթատրոնին մէջ, և իր քսանընդամենակը ամէն տեղ առիթ մը եղաւ ժողովրդային խանդավառ ցոյցերու: Այդ առթիւ ձեռնարկուեցաւ նաև Ոսկեմատեանի հրատարակութեան, որուն առաջին հատորը լոյս տեսած է արդէն:

Օրհնեալ ըլլայ անունն ու յիշատակը բարեգործութիւնն ու ազգաշինութիւնը պահնծացնող Հ. Բ. Ը. Միութեան հիմնադիրներուն, ղեկավարներուն և բա-

րերարներուն, որոնք արժանի են հայ ազգին միահամուռ երախտագիտութեան, այն սխրալի գործին համարորուն սատարեցին սրտագին հաւատքով և զմայլելի նըւերու մով մը:



Տ. ՎԱՀԱՆ ՄԱԼԷՉԵԱՆ
ՎԱՐԻՉ-ՊԱՏՈՒԻՐԱԿ ԵՒ ԸՆԴՀ. ՏՆՕՐԷՆ
Հ. Բ. Ը. ՄԻՈՒԹԵԱՆ

ԻՐ ՀԵՏԱՊՆԴԱԾ ԻՏԷԱԼՆ ՈՒ ՆՊԱՏԱԿԸ

Չափազանցութիւն չենք ըներ երբ կ'ըսենք թէ Բարեգործականը «Հրաշագործ Միութիւն» մըն է: Հրաշքը թէև աստուածային է, բայց մարդիկ ալ, շնորհիւ իրենց հոգեկան, մտային և ֆիզիքական կարողութեանց, կրնան հրաշքներ գործել: Անկարելի նկատուած ձեռնարկի մը յաջողութիւնը՝ կը նշանակէ հրաշք գործել: Ու դիտենք թէ մանաւանդ հաւաքական ուժը ի՞նչ հրաշքներ կը գործէ հոն՝ ուր անհասը պիտի անդօրէք:


79-56467

Բարեգործականը իր հիմնարկութենէն մինչև այսօր գլուխ հանած հսկայ ձեռնարկներով հրաշքներ գործած է իսկապէս և այդ պատճառաւ իր դերը մեր ազգին մէջ իրաւամբ նկատուած է նախախնամական:

Անիկա հայ իրականութեան մէջ գոյութիւն ունեցող գրականապէս օգտակար և ամէնէն ժողովրդանուէր ընկերակցութիւնն է, այլևս արմատ գրած հայ ժողովուրդի մէջ: Իր հազարաւոր անդամները, որոնց գլուխը կը զանուին վեհանձն բարերարներ, իրենց գոհարութիւններովը ու նոյն իսկ ամենափոքր լուծմաներովը հրաշագործ բարիքներ սփռած են ամենուրեք, մեր Հայրենիքին մէջ թէ արտասահման:

Հայկ. Բարեգ. Ընդհ. Միութիւնը մեծ խնայ մը կը հետապնդէ, Հայը հայ պահել և հայուն օգնել հայով, առանց օտարին ժանտակցութեան: Ո՛չ միայն կ'օգնէ հայրենի հոգին կապուած հայուն, այլ և օտարութեան մէջ վտարանդի հայուն: Այդ խնայը հիմնուած ըլլալով եղբայրական օգնութեան վրայ, առաւելապէս հայրենասիրական լայն հասկացողութեամբ մը, Բարեգործականը միակ կազմակերպութիւնն է որ կրցաւ անխարականութեան և միաբանութեան գրոշը բարձր բռնել և այդ գրոշին շուրջը համախմբել ամէն դաւանանքի, դասակարգի և գաղափարի մարդիկ, այդ թէ կրնանք նոյն իսկ երախտ:

* 2



Եթէ անիկա կրցաւ պահել իր գոյութիւնը և հետզհետէ աւելի բարգաւաճ և զօրաւոր դառնալ, պատճառը իր հետապնդած իտէալին հաւատարիմ մնալն է: Անիկա դիտարկուած խոնարհութեամբ շարժիլ և անխորհուրդ կերպով չի սպասեց իր ուժերը, ընդհակառակը, յաջողեցաւ ազգասէր հայերու բարեբարութեանց շնորհիւ կազմել 800,000 անգլ. ոսկիի բազմազան դրամագումար մը, որուն մշանջենական եկամուտները յաւերժօրէն կը յատկացուին բարենպասակ ձեռնարկներու, և միևնոյն ատեն այդքան գումար մը ևս 30 տարուան միջոցին անիկա ծախսած է իբր ազգային նպաստ, ազգօգուտ հիմնարկութիւններով, իւրաքանչիւրը մէյ մէկ փառասպանծ կոթող:

Միութեան կազմութեան շրջանին որոշ էր ու պարզ անոր նպատակը: Յգնել Հայաստանի հայ գիւղացիին, արօր և լծկան սալ անոր, որպէս զի իր ընտանիքին օրապահիկը ձարէ և ապագայ բարօրութիւնը ապահովէ տակաւ առ տակաւ: Վարժարաններ բանալ գաւառներու մէջ, հայ չքաւոր մանուկին ուսում և կրթութիւն տալու համար: Քաջալերել յառաջադէմ հայ ուսանողները որ բարձրագոյն ուսում և մասնագիտութիւն ձեռք բերելով վաղը օգտակար հանդիսանան իրենց համայնքին ու ծառայեն հայրենիքին: Մէկ խօսքով աշխատանքի գործնական միջոցներով բարելաւել հայ ժողովուրդի անստեղծ կան վիճակը:

Բայց չարաբախտ դէպքերու բերումով և թրքահայաստանի ամայացումով, Բարեգործականը որոշ շրջանի մը համար ստիպուեցաւ շեղիլ իր անմիջական ծրագրէն և յարմարիլ օրուան պահանջներուն:

Պատերազմին և տարագրութեան պատճառաւ, չքաւոր գաղթականներու և հազարաւոր սրբերու տնազին բազմութիւն մը կը սպասէր Հ. Բ. Ը. Միութեան անփոխարինելի օժանդակութեանց:

Եւ սուսգիւ, նախախնամական դեր կատարելու կոչուած այս պանծալի Միութիւնը ատենի մը համար կը վերածուէր փրկութեան և օգնութեան հսկայ բանակի մը, և ամէն բանէ առաջ հայ անհամար սրբերը, մեր սրտի

հասորները և ազգին բեկորները որ բախտէն լքուած էին, կ'առնէր իր հայրական պաշտպանութեան տակ: Անոնք աարիներով վայելցին Միութեան նիւթական և բարոյական հովանաւորութիւնը, մինչև որ իրենք ալ ինքնաբաւ դարձան:

Ըսինք արդէն որ Բարեգործականը իր էութեան ու խորքին մէջ աղքատախնամ կամ որբախնամ հաստատութիւն մը չէ: Անոր նպատակն ու կոչումը աւելի գաղափարական բարձրութիւն մը ունին, և առողջ սկզբունքներէ կը ներշնչուին: Անիկա սոսկական բարեգործութիւնն իսկ կը կատարէ հիմնական կերպով, որպէս ազգապահպանման հրաշակերտ աշխատանք մը: Երբ հայ չքաւոր մանուկներուն և գիւղացիներուն կ'ընծայէ ամէն գիւրութիւն, իր նպատակն է որ անոնք զարգանալով և յառաջ գիւրութիւն մեր ազգին վաղուան ուժը կազմեն:

Բարեգործականի հետապնդած բարձր իտէալը կարելի է խտացնել հետեւեալ երկու բառերուն մէջ՝

ԱԶԳԱՊԱՀՊԱՆՈՒՄ ԵՒ ՀԱՅՐԵՆԱՃԻՆՈՒԹԻՒՆ

Ձեզի սղորմութիւնը և սովորական հասարակ բարեգործութեան փոխարէն՝ սալ հայ ժողովուրդին բարոյական և մաւաւոր զարգացում, ընկերային և անստեղծ կան բարգաւաճում:

Սխալ պիտի ըլլար նկատել Հ. Բ. Ը. Միութիւնը որպէս անհասական օգնութեան մարմին մը՝ որ պարտաւոր է ըստը կարօտեալներուն օգնութեան հասնիլ:

Անոր իսկական կոչումը սղորմութիւն ընել չէ՝ այլ ընդհակառակը սղորմութիւնը ջնջել, այդ նուաստացումէն ազատել հայ ազգը և դարձնել ինքնաբաւ ու ինքնուստահ:

Բարեգործականի նպատակներուն մէջ գերազանց կերպով ախրող սգին ազգասիրութիւնն է, գործնական գեանի վրայ:

Ու այսպիսի սկզբունքներով և ձգտումներով օժտուած Միութիւն մը, որուն իտէալն ու նպատակն է նուիրագործել հայոց մէջ ԵՂՄԱՅՐՈՒԹԻՒՆԸ՝ շնորհիւ այն գօ-

բուժեան որ միութենէն կը լսուի, կատարելապէս արժանի է բուժանդակ հայութեան սիրոյն և գուրգուրանքին:

ՀԱՅԿԱԿԱՆ ՄԻՈՒԹԻՒՆ

Սուվն եր տիրած խեղճ հայորդուն տընակը, Հացի վերջին պատառն հատած եր արդէն, Եւ յուսահատ՝ դիմումներէ դէս ու դէն, Հե՛ն եր քաղուած սեւ մտածմանց յատակը:

— Վե՛ր կաց, քշուառ, վիշտի զաւակ, Վանե՛ք՝ քախիժդ անյուսութեան.
Շուտ կը հասնի քեզ երկնառափ
Ձեռքն Հայկական սուրբ Միութեան:

Սուզն եր տիրած խեղճ հայորդուն սրտիկը.
Չուլումի սուրն անպակաս եր գլխէն յար.
Գեռ նոր լծվարն էին տարեք բռնավար,
Չիկար նոյնիսկ սերմնցուի հատիկը:

— Վե՛ր կաց, քշուառ, հողի զաւակ, Վանե՛ք՝ սարսափդ բռնութեան.
Շուտ կը հասնի քեզ երկնառափ
Ձեռքն Հայկական սուրբ Միութեան:

Սուքն եր պատած խեղճ հայորդուն նրազը,
Գեք հուրն ուսման բոցավառեք իր հնոց.
Չի պակասեք գեք մըտփի լոյսը իր տըղոց,
Որ չի մարեք ցեղին հաւատքն ու կրակը:

— Վե՛ր կաց, քշուառ, լոյսի զաւակ, Վանե՛ք՝ խաւարն տգիտութեան.
Շուտ կը հասնի քեզ երկնառափ
Ձեռքն Հայկական սուրբ Միութեան:

Գ. ԽԱՆՃԵԱՆ

ՈՒՂՂՈՒԹԻՒՆԸ

ԵՒ

ԳՈՐԾՈՒՆԷՈՒԹԻՒՆԸ

Անտարկիչի է որ Հայկ. Բարեգ. Ընդհ. Միութիւնը առաջին օրէն իսկ ջանաց հաւատարիմ մնալ իր նախագծած ուղղութեան և ծրագրին: Եթէ սոսկ խնամաստարական մարմնի մը նեղ սահմաններուն մէջ գործէք, պիտի չի կարենար գտնել այն ընդարձակ ծաւալը զոր հայ ոչ մէկ կազմակերպութիւն գտած է տարիներէ ի վեր, և ոչ ալ կարող պիտի ըլլար, ըստսիկ հանդամանքներու մէջ, ազգին ընծայել այն թանկագին ծառայութիւնները որոնցմով այդ Միութեան մէն մի անդամը և բարեկամը իրաւունք ունի հպարտանալու:

Գժբախտաբար, գահավիժող դէպքերը և հայ կեանքի փոթորկալից պայմանները պարտադրեցին որ ան յաճախ ասուելապէս նուիրուի ազէտեալներու և ջարդերէն վերստի պայքարներուն օգնութեան կենսական և անյետաձգելի գործին:

Այսպէս, հազիւ հիմնուած էր Միութիւնը, երբ Հայաստանի սովեալներու և Կովկասի արկածեալներուն նպատակ պահանջը ներկայացաւ: Անմիջապէս անոնց փութացուց իր եղբայրական առաջին օգնութիւնը: Ասոր կը յաջորդէր հեռուոր և չքաւոր դպրոցներու և որբանոցներու օժանդակելու հարկադրանքը, ինչպէս Մուշի, Վանի և Խաբրերդի մէջ, որոնց օգնելով Բարեգործականը իր բուն նպատակին կը մօտենար:

Օսմանեան սահմանադրութեան շրջանին, հայկական կեանքը քիչ մը խաղաղեցաւ: Հալածանքի և թշուառութեան մղձաւանջը, արիւնի և աւերակներու պատկերը կարծես վերջ գտած էր: Միութեան ամբողջ ճիզը այլևս պիտի չի վասնուէր անօթիին և որբին պատառ մը հաց և լաթի կտոր մը տալու ապերախա դործին մէջ: Բայց, ափսո՛ս, հազիւ թէ ազգաշինութեան ճամբուն մէջ Միութիւնը իր առաջին քայլերն աննել սկսած էր, երբ ազա-

տութեան արշարույսին հետ ինքզինքը կը գտնէր Կիլիկի-
եան Չարդերուն դէմ:

Ու, միշտ պատնէշին վրայ, անիկա առաջինը եղաւ
եղբայրական ձեռք կարկանդու: Ատանայի դեռ միացող
փլատակներուն մէջէն, հուրէ և սուրէ ճողոպրած հազա-
րաւոր աղէտեալներու:

Միութիւնը իսկոյն լծուեցաւ կազմակերպեալ գոր-
ծունէութեան մը: Ո՛չ միայն նպաստաւորեց կրթական
բազմաթիւ հաստատութիւններ, այլ հիմնեց Կիլիկիոյ
քաջերու բոյնին՝ Տէօրթ-Նօլի մէջ սրբանոց մը՝ Բէլէկի-
ՅԱՆ անուանով, ի յարգանս վեհանձն հիմնադրին որ շէն-
քին կառուցման համար կարեւոր գումարներ նուիրեց:

Իսկ յաջորդաբար Հայաստանի սրտին վրայ, Վանի
մէջ Վարժապետանոց մը բացաւ, Միւֆարդինի մէջ Կեդր-
Բարձր Նախակրթարան մը, ինչպէս նաև 37 նախնական
վարժարաններ, մեծ մասամբ թրքախօս, քրտախօս և արա-
բախօս գիւղերու մէջ: Այդ շրջանին անիկա վայելեց թան-
կադին օժանդակութիւնը Հայոց Միացեալ և Ազգանուէր
Հայուհեաց ընկերութեանց: Բաց աստի, Բարեգործականը
սերմնացուի, լծկան կենդանիի, մշակելի հողի և գործիք-
ներու հայթայթումով բազմաթիւ գեղջուկ համայնքնե-
րու օգնեց:

Այսպէսով քայլ առ քայլ կը մօտենար իր բուն ծը-
րագրին՝ արդարացնելով Միութեան անունը և համբաւը:
Եւ պէտք է խոստովանիլ թէ հայ ժողովուրդը սիրայօժար
փութկոտութեամբ արամադրեց իր բարոյական և նիւթա-
կան օժանդակութիւնները, այնպէս որ Բարեգործականի
անդամներուն թիւը որ առաջին տարիներու ընթացքին
718 էր, 1914 ին հասած էր արդէն 8,500 ի, իսկ մասնա-
ճիւղերուն թիւը 150 ի, աշխարհի ամէն անկիւններուն
մէջ:

Արտակարգ բարգաւաճում էր ասիկա: Կամաւոր գին-
ւորներու պէս խուռներամ կը միանային հայկական բա-
րեգործութեան այս բանակին և Միութիւնը կը դառնար
համազգային մեծ ընտանիք մը, որուն մէջ կը լսուէր
ինչպէս մինչև այսօր ալ կը լսուի, համերաշխութեան գե-

ղեցիկ համերգ մը, քանզի հայկական միութեան շքեղ ե-
րադն էր որ հետզհետէ մարմին կ'առնէր: Մրրկաւ բաժ-
նուած ամբողջ հայութիւնը կը համախմբուէր Հ. Բ. Ը.
Միութեան դրօշին ներքև, Ազլանտեանէն մինչև Հընդ-
կաստան:

Հայկական նահանգներու «Բարենորոգումներ»ու
ծրագրիւր երբ մեծ պետութեանց կողմէ ընդունուեցաւ,
Պօղոս Նուպար փաշայ, որ անձամբ հետապնդած էր հայ-
կական դատը, հրապարակ հանեց յայտարարութիւն մը,
սրով Հ. Բ. Ը. Միութեան ուղղութիւնը նոր փուլի մը
մէջ կը մտնէր:

«Ապահովութեան վերահաստատումովը Հայաստանի
մէջ հողագործութիւնը նոր թռիչ մը պիտի առնէ: Միու-
թեան օժանդակութիւնը մեր գիւղացիներուն համար շատ
օգտակար պիտի կրնայ ըլլայ՝ թէ՛ հող, եղ, սերմնացու
և երկրագործական գործիք հայթայթելով անոնց, և թէ՛
գիւրացնելով կազմութիւնը հողագործական դրամատուն-
ներու և համագործակցականներու:»

Յանկարծ վրայ հասաւ ընդհանուր պատերազմը՝ որ
մեր ազգը պիտի տանէր անդունդին եզերքը: Դժո-
խային ծրագրի մը համաձայն թրքահայութիւնը բը-
նաջնջելու ձեռնարկուեցաւ: Մարդային երեւեակցութիւ-
նը կարող չէ ըմբռնել տարածութիւնը անհուն աղէտին որ
բղքսեց մեր ազգը: Դարերու ընթացքին անիկա այսպիսի
վայրագ հայածանքի և Չարդի չէր հնթարկուած: Շուրջ
մէկ միլիոն հայրենակիցներ զս՝ դացին անուրի կոտա-
րածներու և ճանչցան աքսորի սարսափելի տա՛ն: Չանքները,
այնպէս որ շատ քիչեր միայն վերապրեցան տարագրու-
թեան արհաւիրքներէն:

Հայ ազգին հետ, ընական է որ Բարեգործականն
ալ մեծապէս կրեց պատերազմին դժխեմ հակազդեցութիւն-
ները: Թուրքիոյ վաթսուս մասնաճիւղերը իրենց հինգ
հազար անդամներով քայքայուեցան ու փճացան, հայ՝ ա-
հաստակութեան արիւնտա ճամբաներուն վրայ:

Մահուան ճիրաններէն հազիւ ազատուած հարիւր
հազարաւոր սրբերը, այրիները, ձերբեր և թշուառ տարա-

գիրքները փրկել, խնամել և պահել պէտք էր, ամէն զնով և նոյն խօսի անկարելիին դէմ:

Հոս է որ կը սկսի Հ. Բ. Ը. Միութեան նախախնամական դերը: Անմիջապէս կը կազմակերպէ ան Բօր-Սոյի խօսի հայկական զաղթավայրին մէջ, ուր ապաստանած էին ձեռքի-Մուսայի քաջարի հայերը, օգնութեան զանազան հիմնարկներ) գլխաւորաբար «Միտուան» մանկապարտէզն ու վարժարանը, որուն երկուսն աշակերտութեան թիւը յետոյ 2,500 ի յանդեցաւ, որբանոց մը, այրիանոց մը, արհեստանոց մը և հանդերձատուն մը:

Ու երբ, նոյն խօսի գինադադարէն քիչ առաջ, գաշնակից բանակները սկսան ազատագրել Թուրքիոյ հայութեան բեկորները, Բարեգործականը առաջինը եղաւ կանոնաւորապէս իր անմիջական օգնութիւնները հասցնելու բերաւ ուր խլեակներուն կեանք տալով, և պահապան հրեշտակի պէս անոնց կեանքին վրայ գուրգուրալով: Ամէն ոք անոր դուռը ասի կ'առնէր, վստահ թէ անիկա միշտ բաց է աղէտահար հայուն առջև, հայ սրբին և հայ կնոջ առջև:

Ամէն տեղ, Պաղեստինի՝ Մաւրիոյ, Միջագետքի և յետոյ Կիլիկիոյ մէջ, այդ շրջանին իրարու ետեւ հիմնեց բազմաթիւ հաստատութիւններ, բարեգործութեան կոթողներ որ միշտ պիտի մնան Հ. Բ. Ը. Միութեան փառքի ախոյոսները: Յիշենք գէթ ասանց գլխաւորագոյնները.

Գահիրէի Կեդր. Միութեանոց և Հանդերձատուն, Գամակոսի Հիւանդանոց և Ապաստանարան, Տէօրթ-Եօլի Բէլէկեան Որբանոց, Միտուան Որբանոց և Հիւանդանոց, Մերսինի Որբանոց, Հիւանդանոց և Հանդերձատուն, Հաճընի Որբանոց և Հիւանդանոց, Ասանայի Արհեստանոց, Տարսոնի Գարմանատուն և Գործարան, Քիլիսի Ապաստանարան, Հալէպի Գաղթակայան, Ուրֆայի Որբանոց, Մուսուլի Որբանոց, Սաւէտիոյ Միտուան Նախակրթարաններ, և այլն:

Իւրաքանչիւրն ունի իր արմէքն ու պատմութիւնը զոր ամէն հայ պէտք է գիտնայ և զնահատէ, լրիւ ձանձնալու համար Հ. Բ. Ը. Միութիւնը:

ԻՐ ԴԵՐԸ ԱԶԳԱՊԱՀՊԱՆՈՒՄԻ ՏԵՍԱԿԷՏՈՎ

Հ. Բ. Ը. Միութեան կազմակերպութեան նախաշրջանին և գինադադարի առաջին տարիներուն, իր արդիւնաշատ գործունէութեան գլխաւոր նպատակակէտը եղաւ Թուրքիոյ բնագաւառը և հայրենի հողին կապուած հայութիւնը, որ դժբախտաբար պատերազմին հետեանքով արմատախիլ եղաւ: Անիկա չէր կրնար չի շարունակել իր քանիցս չարաշար ընդհատուած գործը և անտարբեր մնալ դէպի Թրքահայ բեկորները որ ապաստան դրած էին օտար երկիրներու մէջ, խղճալի պայմաններու առկա:

Մանաւանդ այն օրէն ի վեր, երբ Հայաստան մաս կազմելով համա-ոռուական Միութեան, սկսաւ վայելել պետական խաղաղ և ներդաշնակ կեանք մը, շնորհիւ այն անփոխարինելի պաշտպանութեան որ իր լայն օժանդակութիւններով մեր հայրենի հողէն կը հեռացնէր սովի, արհաւիրքի և թշուառութեան աճաւոր մղձաւանջը, Հ. Բ. Ը. Միութիւնը կրցաւ իր ուշադրութիւնը կեդրոնացնել զաղութահայութեան վրայ:

Թէև Բարեգործականի գերագոյն նպատակն է Հայաստանը, որուն երբեք չի զլացաւ իր սրտագին օժանդակութիւնը, բայց գաղութներու մէջ ցանուցիւր կէս միլիոն հայերու բազմադիմի կարիքները և կարօտութիւնները հրամայ գահան պարտականութիւն կը դնէին Հ. Բ. Ը. Միութեան վրայ՝ օգնութիւններ կարգադրելու և դրական ձեռնարկներով գոնացում տալու անմիջական պահանջներուն: Անիկա այդ ուղղութեամբ 1920էն ի վեր հրաշալի գործունէութիւն մը ունեցաւ բոլոր մարզերուն մէջ:

Գաղութներուն մէջ թափառող վտարանդի հայութիւնը չ'ունի զրեթէ ուրիշ ապաւէն մը Բարեգործականէն դատ: Աղքատախնամ և Հայրենակցական կազմակերպութիւնները հազիւ թէ գաղութահայ ծով կարիքներու ան-

նշան մէկ յասին կը հասնին իրենց յոյժ անբաւական միջոցներով: Ինչպէս սկիզբը, այսօր ալ թշուառութիւնը համաատարած երևոյթ մը ստացած է, որովհետեւ շատ մը երկիրներու մէջ աշխատանքի սեղմիչ օրէնքները օտարական աշխատաւորներու հանդէպ խստօրէն կը կիրարկուին և այդ պատճառաւ մ'ը հայրենակիցները գործազրկութեան մասնուած ըլլալով, աչքերնին կը յառեն իրենց միակ նեցուկներուն: Հայաստանին և Բարեգործականին:

Հայաստան կարելիութեան սահմանին մէջ կը ջանայ հաւաքել իր սարարնակ զաւակները և ամփոփել իր մայրական ծոցին մէջ, բայց բնակարանային կարելիու-



Որբեր երէկ

թիւնները անգոր են մեծ չափով զլուսի հանելու այդ ծրագիրը: Բազմահազար դաղթական հայեր ակնդէտ կը պատեն ներգաղթի փրկարար ազգանշանին:

Մինչ այդ, սակայն, անհամար չքաւոր ընտանիքներ կը առաւպին, յաճախ պատառ մը հացի կարօտը քաշելով: Զրկանքներուն հետևանքով հիւանդութիւններ և մասնաւորապէս թոքախար աւերներ կը գործէ երիտասարդութեան մէջ: Մանուկներ, յաճախ մերկ և անօթի,

զուրկ են դպրոցական դաստիարակութենէ: Ու, թըշուառութիւնը կ'ապականէ գաղթականին մաքուր բարոյականը և շատեր յուսահատութենէ կ'իջնան զանազան փորձութեանց մէջ: Ուժացումը և այլասերումը կը կատարեն իրենց քանդիչ գործը:

Ո՞վ նկատի պիտի առնէ համաատարած թշուառութեան այս ահաւոր պատկերը:

ԲԱՐԵԳՈՐԾԱԿԱՆԸ, ՄԱՆՍԻԱՆԳԻ ԲԱՐԵԳՈՐԾԱԿԱՆԸ:

Ու մենք աչքսինիս կը տեսնենք թէ ինչպէս անոր մասնաձիւղերը կը ջանան հասնիլ այդ կարօտութեանց



Որբեր այսօր

նուիրումի վե՛ն սգիւով մը:

Ո՞րքան չքաւոր հայրեր, ո՞րքան դժբախտ այրիներ, ո՞րքան խեղճ հիւանդներ պիտի ըսեն ձեզի թէ, ինչպէս անցեալին մէջ աղէտներու եզերական շրջանին, այսօր ալ կը վայելեն Հ. Բ. Ը. Միութեան բարիքները, զանազան ձևերու սակ, սովորական նպաստներով, ինչպէս ապրուստի միջոցներու հայթայթումով: Եթէ անոնք չէի խօսին, քարերը պիտի խօսին: Բարեգործականը նպաստ-

տած է աւելի քան 250,000 կարօտ հայրենակիցներու։
 Մտէ՛ք Մերձաւոր Արեւելքի գաղութներու դպրոցներէն ներս և հարցուցէ՛ք զանոնք մասակարարող մարմիններուն՝

— Ձեր անձուկ միջոցներով ի՞նչպէս կը հաւասարակչութեամբ ձեր ելեմուտքը։

Ապահով և միակ պատասխան մը պիտի ստանաք.

— Բարեգործականը կ'օգնէ մեզի, մեր բացը գոցելով, ալլապէս փողոցները պէտք է թափառին այս անմեղ փաքրիկները։

Այս սփոփարար իրողութեան մէջ ամէն հայ պէտք է հպարտութեան և երախտադիտութեան զգացումով աեսնէ Հ. Բ. Ը. Միութեան նախախնամական զերբը, երէկ, այսօր և վաղը։



Բարեգործականի Հայ Աւսկերտքեան կենդանի պատկեր

ՄԻՈՒԹԵԱՆ ԱԻԵՏԻՍԸ

Ի՛նչ հոգեգմայլ, ի՛նչ խանդակաք, տրտմանոյ՞
 Սա բեկբեկուն հայ բնարին ձայն բնոյ՞,
 Հնչէ ծիծղուն ափունքներէն Նեղոսի՝
 Միջեւ ափերն եփրատ, Զինան, Տիգրիսի։

Կուսանք հայոց, որք մանկունք,
 Օ՛ն, սրբեցե՛ք ձեր արցունք.
 Հայն է հայուն միացեր՝
 Ատելուքիւնն է մոռցեր։

Տե՛ս, ո՛վ Հայ մարդ, Մասեաց սարէն Տաւրոսին,
 Կամաւ կապեր է միուրեան ծիրանին.
 Արիւն արցունք հեղեղներու ընդմեջէն,
 Հրեշտակն Հայոց կ'աւետէ մեզ երկնէն՝

Նժդեհ ցրուած հեզ հայեր,
 Զուլմին մերիկն է դադրեր,
 Օ՛ն, ձեռք տուէ՛ք իրարու՝
 Սուրբ Միութիւն ուխտելու։

Վերջին յոյսի նրագն հայոց ա՛խ առկայ՞՝
 Եգիպտոսի աստղերուն տակն եր մարած.
 Գարձեալ անկէ Հայ Միութեան նոր արեւ,
 ձառագայթէ աւերներուն մեր վերեւ։

Հայ Յովսէփներն եգիպտոս,
 Յեղն իրենց չեն մոռցեր հոս.
 Հայուն մարած օնախին
 Զամբեն լոյս, լոյս կենսածին։

ՆԵՐՍԷՍ ԵՊԻՍԿ. ԴԱՆԻԷԼԵԱՆ.

Նուպարեան Ուսանողական Տունը և Նուպարեան Մասնադարանը՝ Պէյրուսի Բարեչէն և Կիւլլապաչէն թաղամասերը՝ Պատրիարքարաններու վարկեր ու բազմազան նըպաստընկալ հաստատութիւններ՝ յօգուտ կարօտեալներու և աղէտեալներու նպաստադրամներ՝ ևն.:

Բայց, մտահարար, Բարեգործականի կրթական հիմնադրութեանց մեծագոյնն է՝ շնորհիւ ազգային մեծ բարերար Տ. Կարապետ Մեղգոնեանի աննախընթաց բարեգործութեան՝ Նիկոսիոյ Մեղգոնեան Կրթ. Հաստատութիւնը, երկուստ ձեռարաններով և Արհեստանոցի ճիւղերով, ուր ձրխաբար կը պատասխարուին և կը դաստիարակուին 300 սաներ, մեծ մասը սրբեր:

Այժմ անոր կողքին հիմնուած է նաև Վարժապետանոց մը, ուրկէ շրջանաւարտ եղող ուսանողները գլխաւորաբար պիտի ծառայեն Հ. Բ. Ը. Միութեան Մերձաւոր Արեւելքի վարժարաններուն մէջ:



Նպաստընկալ Մանկապարտէզի մը Շրջանաւարտները

Բարեգործականը այսպէս հագալով իր ազգակիցներուն մասաւոր և ֆէլիքական անուանըր՝ գործնականապէս

կ'արդարացնէ իր գեղեցիկ նշանաբաններէն մէկը՝ անմահ բանաստեղծ Պեշիքթաշլեանի սրտագրաւ խօսքը «Յղբայր եմք մենք»՝ զսր ամէն հայ պարսաւար է աղօթքի մը պէս կրկնել և յարգել:

Բարեգործութիւնը՝ այս յուզիչ և գուրգուրոտ նշանաբանին ստակ, կ'ըլլայ աւելի քան զանօղութիւն մը՝ որ պատիւ կը բերէ հայ ժողովուրդին՝ որուն կամքին և դարձիկն գեղեցկագոյն արասցայտութիւնն է Հ. Բ. Ը. Միութիւնը:

Արդարև, անիկա կ'արդարացնէ նաև այն կարգախօսը զոր սրբեգրած են իր հիմնադիրները՝ թէ «միութիւնը գործութիւն է»՝ քանի որ վերջապէս միայն քանի մը հազար անդամներու և քանի մը ստանեակ լարերարներու համագործակցութեամբը կրցած է ս'չ միայն Միութիւն մը կազմել, այլ գործութիւն մը գոյացնել, քանի որ այդ սահմանափակ ընկերակցութիւնն իսկ կրնայ անա՛մեծամեծ նրաշքներ գործել:

Այդ պատճառաւ ամէն հայ պարսաւար է աշխատիլ որ այդ Միութիւնը աւնենայ աւելի մեծ ծաւալում՝ որպէս զի Ազգն ու Հայրենիքը օգտուին շատ աւելի մեծ չափով:

ՈՐԲԱԽՆԱՄ ԵՒ ԿՐԹԱԿԱՆ ԾՐԱԳԻՐԸ

Պատերազմէն վերջ, երբ հայ սրբերու անսէր բանակ մը կար, Բարեգործականն էր, որ, Ամերիկեան Նպաստամատոյցին հետ, պաշտպան կանգնեցաւ անոնց, ու ամէն սեղ բացաւ սրբանոցներ, կայաններ, արհեստանոցներ և վարժարաններ:

Աւելի քան քսան հազար սրբ և չքաւոր սղաք աշակերտներ եղած են Հ. Բ. Ը. Միութեան, որ ծախսած է անոնց համար 400 000 անդլ. ոսկիի պատկոտելի գումար մը, մինչև որ անոնք, կրթուած, մեծցած, ինքնաբաւ դասնալով՝ ընտանեկան բոյներ կազմած են, մինչև վերջ վայելելով անոր հայրախնամ հոգաւորութիւնը:

Կարելի է ըսել որ Հայաստանի ներգաղթին հետ դուզընթացաբար, Միութեան գաղութահայ գործունէութեան առանցքը կը կազմէ նոր սերունդի դաստիարակութեան մարզը, որովհետեւ արաստածմանի մէջ հայ մանուկը ենթարկուած բլլալով օտարացման, անիկա հայ պահելու և հայու զգացումով կրթելու գործը գերազանցապէս ազգային գործ է, ազգապահպանումի մեծագոյն ստատրն է:


Եւ որովհետեւ հայութեան սպազան նոր սերունդն է, Բարեգործականը, Հայաստանի և գաղութներու օգնութեան պահանջներուն կրցածին չափ գոհացում աալով հանդերձ, իր լաւագոյն հոգածութեան առարկայ ըրած է նոր սերունդը, նախակրթարանի հայ մանուկէն սկսելով հեազհետէ դեռահաս երիտասարդութիւնը, որ այսուհետեւ աւելի քան երբեք պիտի վայելէ մեր ազգին այդ մեծ Միութեան թանկագին պաշտպանութիւնը:

Այդ ուզողութեամբ արդէն անոր առաջին գործը եղած էր դպրոց-սրբանոցներ բանալ պատերազմէն անմիջապէս վերջ:

Տիտուր գէպքերու բերումով կը ստիպուէր ան ամէն բանէ առաջ հազարաւոր սրբերը պատսպարել և դաստիարակել:

Ու երբ այլևս լրացած նկատեց իր սրբախնամ սրխ-

բալի գործը, որ միակը պիտի բաւէր իրեն ապահովելու հազարաւոր երախտահատոյց օգնականներ, Բարեգործականը հեազհետէ ձեռք առաւ գաղութներու և մասնաւորաբար Մերձաւոր Արևելքի կրթական ծրագիրը, նըպաստելով բազմաթիւ կարօտ վարժարաններու:



Տ. ԿԱՐԱՊԵՏ ՄԵԼԳՅՈՆԵԱՆ
ԱԶԳԱՅԻՆ ՄԵԾ ԲԱՐԵՐԱՐ

Այսօր անիկա իր հովանիին տակ ունի հարիւր քսան վարժարաններ՝ որ կը գանուին Սուրիոյ, Լիբանանի, Յունաստանի, Պուրկարիոյ, Պաղեստինի և Միջագետքի

մէջ: Անոնցմէ շատերը միմիայն Միութեան ծախքերովը կը հոգացուին, որպէս սեփական կամ հովանաւորեալ վարժարաններ:

Կարելի է ըսել թէ չկայ երկիր մը, ուր Միութիւնը հայ վարժարանի մը կամ կրթական ձեռնարկի մը օգնած չըլլայ: Այս մարդին մէջ իր օժանդակութիւնը ա՛յնքան ընդարձակ է որ կարելի չէ մանրամասն թուել: Ու այս օժանդակութիւնը կ'ընէ սրտչ ծրագրով, միայն ու միայն հայ մանուկն աստ՝ մայրն առողջ դաստիարակութիւն մը առլու համար, որպէս զի անիկա թէ՛ իր ազգութիւնը անվթար պահէ և թէ՛ իր սուսման շնորհիւ կարենայ մղել կեանքի պայքարը:

Այս անսակէտով Կիւրասի Մելգոնեան Կրթական Հաստատութիւնն ու վարժապետանոցը, որպէս հսկայ կրթարաններ, կու գան առաջին դիւն վրայ և ազգին կը մասնացանէն անգնահատելի ծառայութիւն մը:

Միութիւնը զանազա՛ն սեղեր հաստատած է նաև հայերէնի դասարաններ, գլխաւորաբար Ֆրանսայի մէջ, և ձեռնարկած է հայերէն դասագիրքերու հրատարակութեան, ինչպէս նաև ժողովրդային օգտակար գիտելիքներու՝ որ պիտի կազմեն Բարեգործականի Մասենաշարը:

Միութիւնը բարերարներու հիմնադրամներով համալսարանական և մասնագիտական ուսում առած է նաև բազմաթիւ սաներու՝ Նուպարեան, Գազազեան և Ալլահ-վերեան, որոնցմէ առաջինը առաջ տարուան ընթացքին աւելի քան 50 մասնագէտ վկայեալ սաներ ունեցած է, ամէնքն ալ գրաւորապէս յանձն առած ըլլալով իրենց բարձրագոյն ուսումը աւարտելէ վերջ ծառայել Հայրենիքին:

Մեծն Նուպարի փառքի կսթողներէն մին է «Մարի Նուպար» Ուսանողական առնը՝ Բարիզի մէջ, որ իր վաթսուն սենեակներով կը ծառայէ Բարիզ ապրող հայ ուսանողներու բնակութեան, չնչին վարձքի մը փոխարէն: Բարերարը հիմնադրամ մըն ալ յատկացուցած է, որպէս զի այս Տան մէջ հայերէնագիտութեան դաստիարակութիւններ կատարուին:

Իսկ Նուպարեան Մասենադարանը, նոյնպէս Բարիզի մէջ, արդէն իսկ ուշագրու հիմնարկութիւն մը եղած է, որ հայ թէ օտար բանասէրներու և ընթերցողներու ուսումնասիրութեանց յարուրդ կու տայ և մասնորականներու ժամադրաւայրը եղած է, ինչպէս նաև բանախօսութեանց համար լսարան մը:

Բայց վերջերս Հ. Բ. Ը. Միութիւնը, իր դաստիարակիչ գործունէութեան ասպարէզը աւելի ընդարձակելով, ծրագրեց վարժարանէն վերջ ևս հայ երիտասարդութեան ինքնազարգացումը կազմակերպել իր հովանիին ներքև, գոհացում առլով անոր հոգեկան և ֆիզիքական պէտքերուն և ձգտումներուն:

Արդէն Ամերիկայի մէջ տարիներէ ի վեր առաջին քայլը յաջողապէս առնուած էր, Կրասերաց Լիկաներու կազմակերպութեամբը: Հեղինակէ գաղութներու մէջ ալ կը կազմակերպուին Բարեգործականի կազմին Երիտասարդական Միութիւններ, որոնց մասնաւոր վարկեր կը յատկացնէ, զանոնք օժտելու համար հաւաքատեղիներով, բնթերցարաններով և մարգագաշտերով:

Այս բոլորը անոր համար որ հայ երիտասարդը արտասահմանի մէջ հայ մնայ, հայու պէս մտածէ ու զգայ, և պահէ իր ցեղային դիմադիծը:

Ու երբ Միութիւն մը իր ջանքերուն մեծ մասը ի սպաս կը դնէ նորահաս սերունդի մշակոյթին, զերազրապէս կատարած կ'ըլլայ իր ազգային ամէնէն արդիւնաւոր և փառաւոր պարտականութիւնը:

Ահա թէ ինչո՛ւ Աալանաեանի միւս ծայրէն ազգասէր հայ մը ձայն բարձրացուց օր մը թէ՛ «հայը իր Բարեգործականով ինքնիրեն կը ծառայէ», իսկ Մայր. Արևելքէն հայրենաբաղձ ուրիշ հայ մը յայտարարեց թէ՛ «աջակցելով Հ. Բ. Ը. Միութեան, կը ծառայենք Մայր-Հայրենիքին»:

ԻՐ ԳՈՐԾՈՒՆԷՈՒԹԻՒՆԸ ՀԱՅԱՍՏԱՆԻ ՄԷՋ

Եթէ գաղութներու մէջ Հ. Բ. Ը. Միութիւնը ըստանձնած էր ծանրահոգ աշխատանք մը, որ կը սպառէր իր ուժերուն մեծ մասը, առիկա երբեք արգելք չեղաւ որ անիկա իր պարտականութիւնները չի կատարէ նաև նորածագ Հայրենիքին մէջ, այդ ուղղութեամբ գերագոյն ճիգ մը ընելով: Բարեգործականը իսկապէս հաւատարիմ մնաց միայն և միւսին, չի լքեց վտարանդի հայութիւնը որ պէտք ունէր իր պաշտպանութեան և օժանդակութեանց, և անփոյթ չի գտնուեցաւ դէպի Հայաստան որուն վերաշինութեան գործին արամադրեց անվերապահօրէն իր ջանքերն ու միջոցները:

Այն օրէն ուր հայ ազգին դարաւոր երազը կ'իրականանար ու Հայաստան աւերակներու մէջէն կը վերականգնէր, և վշտահար հայութեան նայուածքը կը սևեռուէր Արարատի ստորոտը, ուր բազմահոծ ժողովուրդ մը կը հրաշակերտէր Մայր-Հայրենիքի հոյտեսօխ վերածնունդը, Հ. Բ. Ը. Միութեան առջև կը պարզուէր հայրենանուէր գործունէութեան նոր հորիզոն մը: 1920 թ. սկսաւ նախագծել իր յառաջիկայ ծրագիրը և իր եղբայրական օգնութիւնները ուղղել նաև դէպի Հայաստան:


Նախ և առաջ պատուիրակներ ղրկուեցան Միութեան կողմէ, տեղւոյն վրայ ուսումնասիրելու համար կարիքներն ու կարելիութիւնները, հայկ. կառավարութեան հետ հաստատելով փոխ-յարարելութիւններ, որ հեազնեաէ պիտի աային սքանչելի արդիւնքներ:

Հայրենասիրտական խոր հաւատքով մը Միութեան բոլոր շարքերը լծուեցան հայրենաշինութեան ծրագրին, որ հեազնեաէ ընդարձակուելով պիտի դառնայ անոր գործունէութեան իսկական կոտանք: Արդարև, հայրենի հողին վրայ միայն կարելի է տեսնել դրական և կենսական գործեր, և այդ տեսակէտով Հ. Բ. Ը. Միութեան վիճակուած է շատ աւելի արդիւնաւոր և փառաւոր դեր մը:

Թէև Միութեան ուշադրութիւնը կեդրոնացած էր գլխաւորաբար ներդադրին և Նուպարաչէնի վրայ, որպէս փրկարար և շինարար գոյգ ձեռնարկներ որ իրար կը լրացնէին, բայց և այնպէս ասկէ անկախաբար Բարեգործականը ո՛չ միայն Հայաստանի սիրտին վրայ կանգնեց օգտաշատ հիմնարկութիւններ, այլ նաև զանազան տնտեսական և մշակութային ձեռնարկներու սատարեց:


Իր գլխաւոր ձեռնարկներն են. —

- 1. 250 չափահաս և ինքնաբաւ սրբերու Հայաստան փոխադրումը, որուն յետագային յաջորդած են շուրջ 15,000 ներգաղթողներու կարաւանները, գրեթէ միմիայն Հ. Բ. Ը. Միութեան ծախքովը:
- 2. Կառուցումը Նոր Եւրոպայի Վաղարշապատի կից, որ գաղութնայ առաջին աւանը եղաւ, և որուն յաջորդեց Նուպարաչէնը որ կոչուած է ըլլալու աւաններու մեծագոյնը և գեղեցկագոյնը:
- 3. Ազգային բարերար Կարապետ Մեղգոնեանի աննախընթաց նուիրատուութեան շնորհիւ, Միութիւնը կը նպաստէ Երևանի Համալսարանին, տարեկան կարևոր վարկ մը արամադրելով, զոր Մեղգոնեան Ֆօնտի Ֆանձնաժողովը կ'օգտագործէ, հայադիտական դասախօսութեանց, ուսումնասիրութեանց և հրատարակութեանց համար:



Մարի Նուպար Ակնաբուժարան

4. Պողոս Նուպար փառայի հիմնադրամով Միութեան կողմէ կառուցուած «Մարի Նուպար» Ահնարութարանը, որ Երևանի մէջ հսկայապ շէնք մըն է:



Գարուհի Յակոբեան Մոլորակ

5. Դարուհի Յակոբեան Մայրանայր նույնպէս Հ. Բ. Ը. Միութեան պատիւը աւելցնող փառաւոր հաստատութիւն մըն է՝ որ ամենամեծ ծառայութիւններ կը մատուցանէ հայ կիներու և նորածիններու:

6. «Նուպարեան Մրցանակ»ը յոգուա պետական Համալսարանի յաջողագոյն շրջանաւարաններուն:


7. «Աւետ Սարգիս» կառաղարութարանն ալ Միութեան նախաձեռնութեամբ հաստատուած յասիլէօնեան հիմնարկ մըն է՝ որ մեծ պակաս մը կը լրացնէ Հայաստանի մէջ:

8. «Բարեգործականի Տուն»ը՝ որ ի յիշատակ Պողոս Նուպար փառայի Երևանի մէջ կառուցուեցաւ՝ գիւնակահաններու, բրոֆէէէօյներու և արուեստագէտներու բնա-

կութեան համար, և ուր կը գտնուի նաև Հ. Բ. Ը. Միութեան գրասենեակը և ներկայացուցիչը:

9. Միութեան արամադրած վարկերով կառուցուած են նաև գիւղային վարժարաններ, Ագարակի, Բլխերի, Շիրազալայի և Մարտունիի մէջ:

Բաց ի այս որոշ ձեռնարկներէն, Միութիւնը իր ծառայութիւնը միշտ սիրայօժար արամադրած է Հայաստանի կառավարութեան, որ ամէն առթիւ կ'արտայայտէ իր յարգանքն ու վստահութիւնը, պարբերաբար անոր արամադրութեան աակ դէկրով զանազան վարկեր և իրեղէններ, գլխաւորաբար Շիրակի և Զանգեզուրի երկրաշարժէ աղէտեալներուն համար, ինչպէս զանազան գործիքներ հիւանդանոցներու համար:



Շոգեհար Սելանիկէն կը վեկնի դէպի Պարսւտ

Բայց այս ամէնքէն աւելի՛ երկու համազգային և հայրենաշէն մեծ ձեռնարկներ կը կազմեն Միութեան գործին գլխաւոր առանցքը Հայաստանի մէջ՝ ՆԵՐՊԱՂԹ

և ՆՈՒՊԱՐԱՇԷՆ:

Գաղութներու մէջ տուայտող աստանդակաւն հայուն համար, այն միջոցին մանաւանդ՝ երբ գործազրկութեան և թշուառութեան մատնուած է, միա՛կ փրկութիւնը աներկբայօրէն Հայաստանի ներդաղթն է: Այդ բացարձակ համոզումով է որ Բարեգործականը լծուած է այդ ծրագրին, զոր եռանդով կը հետապնդէ: Վերջին տարիներու ընթացքին 15 000 աշխատաւորներ կարելի եղաւ Հայաստան փոխադրել, գլխաւորաբար Յունաստանէն, և այդ նպասակին համար Միութիւնը երբեք չի զլանար իր ամենալայն օժանդակութիւնը: Անոնք մեծ մասամբ հաստատուեցան Նուպարաշէնի և Հայրենակցական Միութիւններու կողմէ կառուցուած ուրիշ աւաններու մէջ, (ինչպէս Նոր Արարկիբ, Նոր Սեբասիա, Նոր Մալթիա, ևն.), ինչպէս նաև շինարարական և ճարտարարուեստական կեդրաններու մէջ:

Բայց կայ չա՛տ լուրջ դժուարութիւն մը, Հայաստանի մէջ բնակարաններու պակասն է ասիկա, և այդ սեփականութեամբ Նուպարաշէնը բացառիկ նշանակութիւն մը ունի, որպէս ներդաղթը նիւթապէս հնարաւոր դարձնող հսկայական ձեռնարկ: Անիկա հիմնուեցաւ Հ. Բ. Ը. Միութեան Ամերիկայի անդամներուն և մասնաւորապէս բարերար Գարակէօզեան և Կիւլպէնկեան եղբայրներուն նախաձեռնութեամբը, և Պողոս Նուպար փաշայի մեծագումար նուիրատուութեամբը: Նուպարաշէն, որուն համար Միութիւնը ցարդ ծախսած է 80 000 անգլ. սսկի, Հայաստանի մէջ անոր փառքի կոթողը պիտի ըլլայ և յաւերժական յիշատակարանը մեծ Հայուն, որուն անունը կը կրէ: Արարաւի դիմացը, գեղեցիկ տեսարաններով, Նուպարաշէն ունի կլիմայի և հողի բացառիկ առաւելութիւններ: Արդիական սձով և յարմարութիւններով օժտուած գիւղաքաղաք մըն է գրեթէ, կապուած Երևանի, որուն մաս կը կազմէ:

Հ. Բ. Ը. Միութեան մէն մի անդամը հպարտ է որչա հայրենաշէն ձեռնարկներով, որովհետև տոտնց իր լուծայովը մասնակցած ըլլալու սրտապնդիչ գիտակցութիւնն

ունի:

Հաւատարիմ իր բնաբանին «Հայը Հայով Հայուն համար», Բարեգործականը կ'ընէ ինչ որ կրնայ ընել իր միջոցներովը: Ո՞ր հայն է որ կը սիրէ իր Ազգը և իր Հայրենիքը, և պիտի մերժէ իր օժանդակութիւնը այդ համազգային Միութեան վարիչներուն և գործիչներուն:

Սիրե՛նք մեր Հայրենիքը հաւատքով և անոր ծառայողներուն օգնենք եռանդով:



ՀԱՅՐԵՆԻՔ

Հայրենի՛ք, երկիր դըրախաանրման,
 Հողը սրբազան ուր անմահ նախնիք
 Կերակրեցին առնմին փառքն յաւերժական:
 Հայրենի՛ք, ցեղին դըրոշմն ու կրնիք,
 Ծոցին մէջ պահած դարերու աւանդ:
 Գանձարա՛ն շրքեղ-կոթոզն անցեալի՛
 Որ ժամանակին մէջէն յարաքանդ
 Կանգուն կը մնայ և անպարտելի:
 Հայրենի՛ք, պարտ՛րա թափուած արիւնով
 Նահատակներուն, ներոս դիւցազանց:
 Հողի պատառ մը, սակայն սրուն քով
 Տիեզերքն անգամ փոքր է չափազանց:
 Հայրենի՛ք, մայրը ցեղին որ կ'ապրի,
 Յեղին որ, հպարտ, հայրենեաց համար
 Կը զգայ մեծութիւնն իր սիրոյն արի
 Եւ այդ սիրովը կ'ապրի դարէ դար:
 Գողափար մը սուրբ, օծուած աղօթքով,
 Գողափարներու ասուածն անմեկին,
 Որ քաջերուն ուժ կուտայ և կորով,
 Ու եղբայրութեան սէրը ամէնքին:
 Հայրենի՛ք, երկիր քաղցր ու ցանկալի,
 Սիրոյ վառարան, ուրտեղ կը փայլի
 Արեւն աւելի սաք և լուսուոր:
 Գեղեցկագոյնը աշխարհի մէջտեղ,
 Ուր օդն է մաքուր և ջուրը պայծառ,
 Ուր ծաղիկները աւելի բուրեղ
 Եւ մարգերը զով են և միշտ դալար:
 Գիւղերուն շարքը, հովիտ ու պուրակ,
 Սարերն օդասուն, զըմբուխ և յակինթ,
 Հովիւին սրինգն էրգովը բարակ,
 Գեղջուկ աղջըկանց խրմբապարն ու խինդ:
 Անկիւն մը հողի, ուր համեստ խրճիթ,
 Կը թուի պալատ՝ լոյսերու մէջ վառ,

Որուն աղբիւրներ շաւրերով վըճիտ
 Երջանիկ երգեր ունին անըստո:
 Հայրենի՛ք, բառը բառերուն մէջէն
 Վըսեմ և խորունկ, խորհուրդ մը կարծես
 Որուն մէջ կ'ապրին խորհուրդներն ամէն:
 Աստուծոյ օրհնեալ երկիրն իսկապէս:
 Զիկայ կեանքին մէջ, չիկայ լաւագոյն
 Քան եղեմն իսկ զոր մենք միշտ կ'երագենք,
 Զիկայ ծաղկուէս հանդրուան մը կամ լռոյն,
 Քան հայրենիքը՝ անեղծ ու աննենդ:
 Հայրենիքը ուր հողին կը ճախրէ
 Եւ, օտարներուն լաւին սակ, վատնւ՛մ,
 Կարօտաբաղձը՝ խոցուած ցաւերէ,
 Կ'երագէ միայն հայրենիքն անուշ:
 Պանդուխտին ճամբուն՝ վրայ սարապիր,
 Լուսարձակ փարսո, ըստփանքի շող,
 Վաղուան յոյսերուն անուրջն անձկալիք՝
 Վերադարձն որ մը դէպ հայրենի հող:
 Ամէն սեղ է ան, թէև նոտաւոր:
 Պասիկը մ'է շարժուն, յուշքերու դըրուագ:
 Հողին պարուրող սեռիլ մը աղուոր,
 Հաւասքը անմեռ և սէրը աւագ:
 Հայրենիք, ո՛վ որ իր կեանքին գինով
 Պըսակեց քու սէրդ, հազա՛ր երանի,
 Ճանչցաւ ան փառքը անմահներու քով,
 Զի անմահութեան քու սէրդ կը սանի:
 Հայրենիք, հո՛ն է դըրախտը մարդկան:
 Հայրենիք, ա՛ն է իսկալը մեծ,
 Անոնք, հայրենի՛ք, որ քեզմով ինկան,
 Փառքեր են անմահ զոր քու սէրդ դարբնեց:

Վ. ՄԱԼԻՉԵԱՆ

ԻՆՉՈՒ ԱՄԷՆ ԱԶԳԱՍԷՐ ՀԱՅ ԿԸ ՍԻՐԷ Հ. Բ. Ը. ՄԻՈՒԹԻՒՆԸ

Հարցուցէք հայ պատանիի մը թէ ինչո՞ւ կը սիրէ Հայաստանը:

Պահ մը պիտի շփոթի անիկա. հարցումը ամբողջ-նակ պիտի գանէ: Ո՞վ չի սիրեր Հայաստանը: Բայց ի՞նչ պէս բացատրել թէ ինչո՞ւ կը սիրէ ան: Հայ մանուկը, պատանին, երիտասարդը բնագրաբար կը զգան սէր մը, խորունկ սէր մը, դէպի Հայրենիքը: Գիտեն թէ մեր նախահայրերուն երկիրն է Հայաստան, ուր անյիշատակ դարերէ ի վեր հայր ապրած, դիմագրած և ակած է: Ու այսպիսի նուիրական վայր մը մանուկը բնազդաբար կը սիրէ, ու կը սիրէ հաւատքի մը խանդավառութեամբը:

Եթէ ներելի ըլլար Հ. Բ. Ը. Միութիւնը նմանցնել Հայաստանի, որպէս անոր մանրանկարը, դարձեալ պիտի անսնենք որ հայ աղան բնազդաբար կը սիրէ Բարեգործականը, կը սիրէ, որովհետեւ դիտէ որ անիկա հայ ազգին և հայ հայրենիքին ծառայող մեծ կազմակերպութիւն մըն է, ո՛չ թէ սոսկ բարեգործական, այլ գերազ-բայէս ազգասիրական խէշտով մը: Կը սիրէ, որովհետեւ կը զգայ թէ այդ Միութեան մասժուծին առարկան է հայ աղան, որուն մէջ կը անսնէ հայ ազգի լուսաշող ապագան, որուն վրայ դրած է իր յոյսերը, և այդ պատճառաւ ո՛չ մէկ նիւթական զոհողութիւն կը գլխնայ:

Գոյութիւնն չէ ունեցած հայ իրականութեան մէջ ազգակերտումի և մշակոյթի նուիրումը բարեգործական ընկերակցութիւն մը, որ, երեսուն տարի հայ ժողովուրդի բարօրութեան համար գործելէ յետոյ, ո՛չ միայն յարատեւած ըլլայ, այլ և աւելի ամրապնդուած՝ դիմագրաւէ իր դէմը ցցուող բոլոր խոչընդոտներուն:

Գաղութահայութեան մէջ բազմաթիւ Միութիւններ կազմուած են, որ բարի և օգտակար առաջադրութիւններ ունին, որ առաւել կամ նուազ յաջողութեամբ կը շարունակեն իրենց գոյութիւնը: Բայց առաջին դիրքն

վրայ կուգայ Հ. Բ. Ը. Միութիւնը՝ որուն հարիւրաւոր մասնաճիւղերը և բազմահազար անդամները կը գտնուին աշխարհիս չորս ծայրերը, ուր որ ափ մը հայ կ'ապրի: Հայ աղան իր բնազդական յարատեւութեամբը չա՛տ լաւ կը զգայ թէ ի՞նչպէս Բարեգործականը կը ջանայ օգտակար ըլլալ հայութեան: Ինք չա՛տ լաւ գիտէ որ իրեն պէս հազարաւորներ այդ Միութեան շնորհիւ ուսում առնելով ինքնաբաւ դարձած են: Լսած և տեսած է թէ ո՛ւր որ կարիք մը կայ, ո՛ւր որ աղէտ մը կը հարուածէ հայ ժողովուրդը, Բարեգործականը առաջինը կ'ըլլայ անմիջապէս օգնութեան հասնելու, պահապան հրէշտակի պէս:

Բայց անիկա աւելի հպարտ և երախտապարտ կը զգայ ինքզինքը, անսնելով մանաւանդ թէ իրեն նման հայ աղաց ուսման և դարգացման համար ի՞նչ անազին զոհողութիւններ բրած է և կ'ընէ Հ. Բ. Ը. Միութիւնը, որպէս հայ մշակոյթի ջանակիրը ամէն տեղ լոյս փռելով:

Այս ամէնը իր սիրտին կը խօսի, քանզի կը խորհի նաև որ եթէ Բարեգործականը չըլլար, բազմաթիւ հայ մանուկներ և պատանիներ, զոր լախոր օտար երկիրներ նետած է, զրկուած պիտի ըլլային մատաւր և հոգեկան վայելքներէ զոր ազգային առողջ դաստիարակութիւնը միայն կու տայ:

Ու անա թէ ի՞նչպէս երախտապիտական զգացումով առդարուած, հայ մանուկը և հայ երիտասարդը բնազդա-կան սէր մը կը սածէ այս մեծ Միութեան հանդէպ:

Հայ աղան իր բոլոր ուժովը կը սիրէ ու պիտի սիրէ Հ. Բ. Ը. Միութիւնը, որովհետեւ՝

Գաղութները Հայաստանի միացնող ամէնէն մաքուր և ամէնէն ամուր կամուրջն է ան:

Միութիւնը զօրութիւնն է, և Հ. Բ. Ը. Միութիւնը ամէն հայու միջև սիրոյ և համերաշխութեան կապ մըն է:

Համազգային մեծ ընտանիք մըն է ան, որուն դուռը բաց է ամէն հայու առջև, առանց որեւէ խորութեան:

Անիկա հայ ժողովուրդին ինքնօգնութեան չափա-նիշն է և փաստը անոր հզօր կամքին:

Մեր ազգին ամէնէն ժողովրդական և ամէնէն ժողո-

վըրդանաւէր Միութիւնն է, համադարձակցութեամբ դորայած:

Անոր զեկը և վարչութիւնը յանձնուած է մեր ազգին մէջ շատ ծանօթ, վստահելի և կարող անձերու, և այդ պատճառով մեծ վստահութիւն կը վայելէ:

Անիկա պաշտպանն է հայ սրբերուն և մեկենասը հայ ուսանողին:

Անիկա խնամատարն է հայ թշուառին և հիւանդին:

Անիկա Հայաստանի վերաշինութեան դորձաւորն է:

Անիկա բարեգործութիւնն է իսկ է:

Անիկա աւելին է, ազգասիրութեան և հայրենաշինութեան մեծագոյն ախոյեանը:

Ահա՛ թէ ինչու, հայ ազան կը սիրէ Հ. Բ. Ը. Միութիւնը:

Ահա թէ ինչու՛ և հայ ազան վազը պիտի օգնէ Հ. Բ. Ը. Միութեան, այսինքն հայ Ազգին և հայ Հայրենիքին:

Իմ դ՛ուատի բարեկամներս, սիրեցէ՛ք Հ. Բ. Ը. Միութիւնը, սրբովհետեւ միութիւնը դօքութիւնն է, և հայ ժողովուրդը միութեան պէտք սունի: Ձեր սուտցիչներէն խնդրեցէ՛ք որ ձեզմով «Բարեգործականի Բջիջներ» կազմեն: Եւ մանաւանդ խնդրեցէ՛ք ձեր հայրիկէն և մայրիկէն որ անդամակցին Հայոց Հրաշագործ Միութեան:



ՄԻՈՒԹԵԱՆ ՈՒԽՏԸ

Միւսմն հմայիչ Նեղոսի ափանց
Յուլացուց հայուն վիշտը անբափանց,
Ու հայն ապշեցաւ տեսիլէն անլուր՝
Որ երկնեց Հայոց Միութիւնն հանուր
Բարեգործական, որ առջի օրէն
Ներշնչեց յոյսեր եւ սեր համօրէն:

Ալեգարդ Մասիս, Սիսուան սգանուն,
Սփոփուած ժպտիի խորխոր բուրգերուն,
Կը յառին Հայուն նայուածքներ տըխուր
Դեպի փրկաւետ Միութիւնն հանուր
Բարեգործական, ձեռնարկ բանկազին՝
Նեցուկն անկունն նահատակ Ազգին:

Մշակ, յուսալից՝ հողդ ալլես հերկէ՛,
Եւ դու, որք անբախտ, անփոյթ ալ երգէ՛.
Կացե՛ք դուք պատմել աշխարհի ի լուր
Թէ ունիք պաշտպան Միութիւնն հանուր
Բարեգործական, ձեռնարկ կեցասուետ՝
Որ կեցցեն սատար բարեբաւք յաւետ:

ՅՈՎՀԱՆՆԵՍ ՃԻՅԵՐՃԵԱՆ



ԲԱՐՁՐ ԳՆԱՀԱՏԱԿԱՆՆԵՐ

Հ. Բ. Ը. Միութեան երկար տարիներու ազգանուէր գործունէութիւնը ո՛չ միայն հայ ազանաւոր դէմքերու, այլ օտար անուանի անձերու իսկ հազուադէպ զնահատութեանց արժանացած է:

Այդ միահամուռ զնահատականները, որ փառքի հըսկայ կոթող մը կը կազմեն, արդէն լաւագոյն ապացոյցներն են այն թանկագին ծառայութեանց զոր այս Միութիւնը մատուցած է, յաղթելով այն ամէն դժուարութեանց զոր գտած է իր ճամբուն վրայ, ներսէն թէ դուրսէն:

Կ'արժէ որ ամէն հայ կարդայ այդ մեծ մարդոց կարծիքները, որպէս զի անոնց պայծառ լոյսին տակ ինքն ալ իր կարգին ճանչնայ ու զնահատէ Բարեգործականը, հայուն սիրական Բարեգործականը:

Ասոնցմէ գէթ մի քանին միայն կ'արտագրենք հոս, ստորագծելով անոնց պատմական բարձր նշանակութիւնը:

* * *

«Մեր օրհնութիւնը Միութեանդ յարատուութեան և բարգաւաճման համար՝ որ կը փութայ հեռաւոր Եգիպտոսէն իր բարոյական պարտականութիւնը կատարել իր կարօտ եղբայրներուն հանդէպ:»

Կարողիկոս Խրիմեան Հայրիկ

«Մեր հայրապետական օրհնութեամբը լիաշուրթն գոհունակութիւն կը յայտնենք և կը գովենք Միութեանդ փոյթեռանդ գործունէութիւնը, մաղթելով Տիրոջմէ որ Բարեգործական հաստատութիւնը անսասան և հաստատուն պահէ, յօգուտ ազգիս և ի պարծանս Միութեանդ:»

Կարողիկոս Մաթեոս Բ. Իգմիրլեան

«Բարեգործականը հայ սառապակիր ազգին համար

Աստուածային իրական նախախնամութիւնն է: Ձեռ չափազանցեր եթէ ըսեմ՝ Աստուծոյ դթութեան և ողորմութեան իսկական մի պատկերն է: Որչափ որ այսօր Բարեգործականը աշխարհի ամէն անկիւններուն մէջ իր անդամներն ու մասնաճիւղերը ունի, չա՛տ աւելի սփոփարար պիտի ըլլար, եթէ ամէն հայ անդամ գրուէր և կամ աշակերտէր բարիք գործելու այդ մեծ դարոցին:»

Սահակ Բ. Կիլիկիոյ Կարողիկոս

«Եթէ հայ ժողովուրդը կ'ուզէ որ Հ. Բ. Ը. Միութիւնը իբրև նախախնամական կազմակերպութիւն մը մեր մէջ շարունակէ կատարել իր պաշտօնն ու պարտականութիւնը, մեր որբախնամ գործին մէջ և բարեգործական այլևայլ ուղղութեամբ, պէտք է որ իւրաքանչիւր ողջմիտ հայու նշնարանն ըլլայ՝ ԶՐԱՅՆԵԼ ԲԱՐԵԳՈՐԾԱԿԱՆԸ:»

Բաբգեն Ա. Աթուակից Կաթ. Կիլիկիոյ

«Մեր ամենաջերմ փափաքն է տեսնել այս Միութիւնը դարգացած և զօրացած ընդհանուր ազգին բարոյական և նիւթական ձեռնտուութեամբը, փառաւորուած արդիւնքներով համաձայն իր նպատակին և հանդիսացած ճշմարիտ սատար մը հայ ժողովուրդին՝ որ կը դիմադրուէ բազմատեսակ սառապանքներու:»

Նղիշէ Արեպ. Գուրեան Պատրիարք Նուսադեմի

«Բարեգործականը մեր մէջ այն կազմակերպութիւնն է, ուր միշտ աւելի գործ եղած է քան խօսք:»

Թորգոմ Արք. Գուշակեան Պատրիարք Նուսադեմի

«Համոզուած եմ որ եթէ մեր ազգին մէջ միակ ձեռնարկ մը կայ, որ խոհեմութեամբ մտածուած, իմաստութեամբ կազմակերպուած և ուղղամտութեամբ գործադրուած ըլլայ, այն ալ Հ. Բ. Ը. Միութիւնն է:»

Մաղափա Արք. Օրմանեան Պատրիարք Կ. Պոլսոյ

«Պէտք չունիմ Հայութեան վրայ ծանրացող պարտականութիւնները յիշեցնելու: Գիտեմ որ կը բաւէ ամէն Հայու ազգասիրութեան կոչում ընել, որպէս զի իւրաքանչիւրը տայ ինչ որ կրնայ, և աւելի՛ն քան ինչ որ կրնայ:»

Պողոս Նուպար

«Ուժ տանք Հ. Բ. Ը. Միութեան և ի վիճակի դնենք զայն աւելի ընդարձակ մասնակցութեամբ դարման հասցընել այն յարածուն աղէտից և կարեաց որ հեռզհեռէ կը բարդուին, կը լեռնանան և շուտափոյթ օգնութիւն կազաղակեն: Սերմանենք որ քաղենք:»

Տօք. Յ. Թիրխախեան

«Հայոց Բարեգործական Ընդհանուր Միութիւնը կազական է իր տեսակին մէջ: Անոր ուժ տալու ամէնքս ալ պարտաւոր ենք: Ազգին համար բարոյական, մաւտոր և տնտեսական յենարան մը գոյացնելու նեռատես խորհուրդովն յղացուած է անիկա:»

Իիւզանդ Քեչեան

«Ուր որ Հ. Բ. Ը. Միութիւնը իր սաքը դրած է, հոն այլևս մեզի ընելիք գործ չէ մնացած:»

Ամերիկեան Նիր Իսք Բըլիֆ

«Յանուն Նիր Իսթ Բըլիֆի կու գամ յայտնելու մեր անկեղծ գնահատութիւնը այն արժէքաւոր գործակցութեան համար, զոր մենք շարունակ վայելած ենք Հ. Բ. Ը. Միութեան կողմէ, և ի գիտութիւն Ձեզ կը հաղորդենք թէ առիկա մեծ խթան մը եղած է, մեր յարասև և մեծ ջանքերուն, լուծելու համար Մերձաւոր Արևելքի կարօտ ժողովուրդին կարևոր խնդիրը: Յանուն մեր միլիոնաւոր անդամներուն, կը յայտնենք մեր շնորհակալութիւնը Հ. Բ. Ը. Միութեան ծառայութիւններուն համար:»

Վ. Վիբրի

Նիր Իսք Բըլիֆի Ընդհ. Քարտուղար

«Որքեր պահելու և պատսպարելու ձեր գաղափարը հիանալի է, Հայկական դատին ամբողջ ապագան այս որքերէն կախեալ է: Առիթ ունեցած եմ Եզիպտոսի մէջ հիանալու թէ կազմակերպական ի՛նչ ոգիով կը կառավարէք ձեր ընկերութիւնը, յետոյ կիլիկիոյ մէջ ալ հաստատած եմ թէ ի՛նչքան ձեր գործն ու գործունէութիւնը օգտակար են երկրին:»

ԶՕԲ. ՊՐԵՄՈՆ
Ընդհանուր վարիչ Կիլիկիոյ

«Իբրև Ամերիկացի, չեմ կրնար հաւատալ որ ուէ ազգասէր հայ Հ. Բ. Ը. Միութեան անդամ եղած չըլլայ: Եւ եթէ ես քարոզիչ մը ըլլայի, կոչ պիտի ընէի ձեզի որ անդամ գրուիք անմիջապէս, քանզի Բարեգործականին զերը շա՛տ մեծ է:»

ՏՕՔԹ. ՄԷՔԱԼԸՍ



ԲԱՐԵԳՈՐԾԱԿԱՆԻ ՄԵԾ ԴԷՄՔԵՐԸ

„Մեծ են միայն այն հոգիները որ գիտեն քե ինչ մեծ վեհուփիւն կայ բարեգործութեան մէջ:“

ՍՈՓՈՒԿԼԷՍ

Անտարակոյս, Հ. Բ. Ը. Միութիւնը իր յարատեւութիւնը և յաջողութիւնը կը ստարտի ա՛յն մեծ և վեհոգի անձերուն՝ որ հաւատարմով և խոր գիտակցութեամբ հիմնեցին և վարեցին այս համազգային կազմակերպութիւնը, և իրենց վեհանձն նուիրատուութիւններով և կտակներով օժտեցին անիկա, անոր գոյութիւնը և գործունէութիւնը յաւերժօրէն դնելով հաստատուն դեանի վրայ:

Կարելի չէ մի առ մի յիշել անունները Միութեան բոլոր վեթերաններուն որ անոր պատուոյ լէգէտներ կը կազմեն, և որոնց զմայլելի անձնուիրութեան և զոհաբերութեանց շնորհիւ անիկա կրցաւ երեսուն տարի կանգուն մնալ, նեղահատ ընդարձակուելով և բարգաւաճելով:

Անոնցմէ ոմանք անդարձ մեկնած են այս աշխարհէն, բայց անոնք անմահներու նման կ'ապրին ու պիտի ապրին երախտագէտ վերապրողներու սրտին մէջ: Օրհնեա՛լ ըլլայ անոնց յիշատակը: Շատերը, աակաւին պատնէշին վրայ, սրտեռանդ կը շարունակեն սկսուած նոյակապ գործը, բծախնդրօրէն հաւատարիմ մնալով իրենց կտակուած աւանդութեանց:

Հ. Բ. Ը. Միութեան Հիմն. Կանոնադրին համաձայն, ի նշան դնահատման և երախտագիտութեան Բարերար Անդամ նշանակուած են 64 մեծարելի վեթերաններ, իսկ 87 Պատուոյ Անդամներ, ոմանք իրենց մատուցած թանկագին ծառայութեանց, փոխարէն, և ոմանք ալ իրենց ընծայարբերած կարեւոր նուիրատուութեանց կամ կտակներուն առթիւ: Գրեթէ ամէնքն ալ մեր ազգին մէջ բարձր դիրքերու և բարի համբաւի տիրացած ականաւոր հայեր են, որ իրենց անփոխարինելի վստահութեամբ և համակրանքովը պատուած են Հ. Բ. Ը. Միութիւնը:

Առաջին զծին վրայ կու դան երկու մեծանուն Անդամներ, երկուքն ալ էապէս ազգային անդուզական բարերարներ, մին՝ Պօղոս Նուպար փաշա, և միւրը՝ Կարապետ Մելգոնեան որ իր ամբողջ հարստութիւնը (կէս միլիոն անգլ. ոսկի) Բարեգործականին նուիրեց իր կենդանութեանը, առաջինը 1931 ին և երկրորդը 1934 ին մեռած: Պէտք է անհետացող Բարերար Անդամներուն մէջէն յիշատակել նաև Երուանդ Պէյ Աղաթօնը, որ բոլորանուէր առաքեալ մը եղաւ մինչև իր մահը (1935), և Տիկ. Երանուհի Թաղաբ փաշա Յակոբեանը որ իր միջոցաւ Միութեան կտակեց կարեւոր հիմնադրամներ:

Այս զընթիւն մէջ անհրաժեշտ է նաև պատուոյ տեղ մը տալ ներկայ Կեդր. Վարչ. Ժողովին, որուն այժմ կեդրոնատեղին է Բարիկ, և իրեն անմիջական կարեւորագոյն գործակից եղող Եգիպտոսի և Ամերիկայի զոյգ Շըրջանակներուն Կեդր. Յանձնաժողովներուն: Ստորև կը դընենք ցուցակը անոնց անդամակցող յայտնի անձնաւորութեանց, մեծ մասամբ պաշտօնատարներ, առևտրականներ, մատուորականներ, մասնաղէտներ, որ ձեռք ձեռքի տուած, հաղուազիւտ համերաշխութեամբ և անձնուիրութեամբ կը վարեն Հ. Բ. Ը. Միութեան ընդարձակ գործերը:

ԿԵԴՐՈՆԱԿԱՆ ՎԱՐՉԱԿԱՆ ԺՈՂՈՎ. —

Զարեհ Նուպար Պէյ՝ նախագահ, Վսեմ. Գաբրիէլ Նորատունիկեան՝ պատ. փոխ-նախագահ, Տիգրան Քան Քէլէկեան, Առաքել Նուպար Պէյ և Տ. Պ. Էսմէրեան՝ փոխ-նախագահներ, Տիարք Լ. Կիւմիշկերտան՝ գանձապետ, Վ. Մալէգեան՝ վարիչ-պատուիրակ, Արայ Արապեան, բրօֆ. Մենար Բունիաթեան, Գ. Էսայեան, Տ. Կամսարական, Դ. Մսրեան և Տ. Փիլիպպոսեան՝ վարիչ-անդամներ:

ԳԱՀԻՐԷԻ ՇՐՋԱՆ. ՅԱՆՁՆԱԺՈՂՈՎ. —

Տիարք Ժ. Մաթոսեան՝ ատենապետ, Տօքթ. Պ. Սերովբեան և ձանիկ Զաղբը՝ փոխ-ատենապետ, Հրանդ Նասիպեան՝ գանձապետ, Տօքթ. Ն. Քէլէճեան՝ ատենա-

դպիր, Ն. Եագուպեան, Ե. Եագրճեան, Պ. Կիրակոսեան, Տ. Հաճնիկեան, Ա. Տրենց Մարգարեան և Լ. Բիրազեան՝ խորհրդական անդամներ:

ՆԻԻ ԵՈՐՔԻ ՇՐՋԱՆԱՅԻՆ ՅԱՆՁՆԱԺՈՂՈՎ.—

Տիարք Արչակ Գարակէօղեան՝ ատենապետ, Վեր. Խ. Պէննէեան՝ փոխ-ատենապետ, Յ. Կիւլպէնկեան՝ դանձապետ, Տ. Տիրասուբեան՝ ատենադպիր, Օր. Ալիս Ասանաբեան, Տիարք Մ. Պալեօղեան, Յ. Փուշման և Տօքթ. Աւետիս Բէյ՝ խորհրդական անդամներ:

Ասոնցմէ դուրս մեծ թիւ մը կը կազմեն նաև աւելի քան 200 Մասնաճիւղերու, անհամար Յանձնախումբներու և Խնամակալութեանց, Տիկնանց Օժանդակներու և Կրասերաց Լիկաներու մէջ գործող և աչքի զարնող անձնաւորութիւնները, զոր դժուար պիտի ըլլայ հոս յիշատակել, նոյնիսկ մասամբ: Միայն պէտք է հիացումով վեր հանենք այն սխրալի բաժինը, զոր հայ կիներ իր աւանդական բարեսիրութեամբ ունեցած է Հ. Բ. Ը. Միութեան բարգաւաճումին մէջ, սասանձներով գլխաւորաբար անոր օդնութեան կարգ մը ձեռնարկներու հողածութիւնը: Կարծէ որ Բարեգործականի բարերարներուն մէջէն յիշենք հայ իրական սեռի լաւագոյն ներկայացուցիչներէն՝ Տիկնայք Երանուհի Յակոբեան (Թագւոր փաշա), Մարի Նուպար փաշա, Կատարինէ Լիմոնճէլլի (Ճնեալ Եագուպ Արթին փաշա), Ազապի Շէրիտճեան Պէյ, Վերդինէ Աւետ Սարգիս, Թագուհի Ճանիկեան, Արուսեակ Տէր Զաքարեան, Աննա Չամիչ, Մէրի Մարտին, Մարքիզուհի Ինճի Վէնթուրի ձէնօրի, Կոմսուհի Եւա ա՛Սրսթօթ, ևն:

Հայ մանուկը և հայ երիտասարդը պէտք է յարգանքով յիշեն Հ. Բ. Ը. Միութեան թանկագին ծառայութիւններ մատուցած և մատուցանող ազգասէր հայերը, որ իրենց անձնուիրութեամբ և վեհանձնութեամբ բարի օրինակ հանդիսացած են նոր սերունդին:

Անոնք կատարեցին և դեռ կը կատարեն իրենց ազգային պարտականութիւնները, լայց նոր սերունդը պարտի հեռելի անոնց օրինակին և պատրաստուիլ հան-

ըային ծառայութեան, էրբ վաղը կարգը դայ հայ գիտակից և հայրենասէր երիտասարդութեան, գործելու նոյն հաւատքով և եռանդով, լայց աւելի արգիւական ու գործնական դրութեամբ մը, ինչպէս կը պահանջեն նոր ժամանակները:



Նկար Բարեգործականի Սանեռու:



ՊՕՂՈՍ ՆՈՒՊԱՐ

Մեծանուն հա՛յ, ազնուագարմ դու շառաւիղ Մեծ Հայուն,
 Որ բուրգերու հովանիին տակ հաննարովն իր բեղուն —
 Սփռեց բարիք՝ շուրերուն պէս պարգեւաբաշխ Նեղոսի,
 Մահուանդ հանդէպ հայ սրտերէ դեռ վիշտ ու սուգ կը հոսի:

Փոքրիկ է ցեղդ, բայց մեծ է իր տառապանքը վիպական,
 Այդ գերագոյն վեպէն կայծեր բունկեցան հոգւոյդ մէջ,
 Ու վառեցին հոն բու ցեղիդ կենսանորոգ հուրն անշէջ,
 Յեղիդ՝ որուն երազեցիր կռել հաւատքն ու ապագան:

Պողոս Նուպար, յոյսի փարոս, իմաստութեան անմահ բուրմ,
 Որ բուրվաւիդ կնդրուկներուն քաղցր բոյրը սրսկեցիր՝
 Ազատութեան, լոյսի կարօտ հայ սրտերուն խորն անխտիր,
 Անոնց սուգը կը կաթի այժմ շիրմիդ վրայ ցողաբուրմ:

Վեհանձնութեան գերատիպար եւ ախոյեան բարութեան,
 Որուն պայծառ ճակատն ունէր հաննարեղ ցոլքն հայ ցեղին,
 Փարաւոնի երկիրը մեծ, Նուպարներու օրօրան,
 Ազնիւ զարմիր մէջ ողջունեց հայ անցեալին փառքը հին:

Թշուառութեան ալիքներուն դեմ ցցուող բուրք վիթխարի,
 Անհուն գորով, անսահմանձսեր, խանդաղատանք, իդձ բարի,
 Դու մշտահոս բարիքի ալ, հիմնադիր վեհ Միութեան՝
 Որուն շուրին տակ որբն ու այրին, ցաւերն իրենց կը մոռնան:

Խաղաղութիւն անիւններուդ, օտար հողի սուրբ աւանդ,
 Դու ցեղիդ մեծ տառապանքէն ծրնած փառքն իր մանաւանդ,
 Դու Հայրիկին, Անդրանիկին նրման անմահ, ո՛վ Նուպար,
 Հայաշխարհի սրտին վրայ կ'իշխես հոգիդ վեհափառ:



ՄԵԾ ՀԱՅՐ (ՊՕՂՈՍ ՆՈՒՊԱՐ)

Ճշմարիտ հայ եւ ազգասէր նկատուելու համար բաւա-
 կան չէ միայն սիրել հայն ու Հայաստանը: Անոնց հա-
 մար պէտք է զոհողութիւն ընել, պէտք է աշխատիլ այ-
 լասիրութեան ամէնէն վսեմ զգացումովը, որ է հայրե-
 նասիրութիւնը:

Կատարեալ մարդը կ'ըլլայ նաև ճշմարիտ հայ: Իսկ
 կատարեալ հայը իր ազգին օգտակար ըլլալու համար ո՛չ
 մէկ ջանք կը խնայ, ոչ մէկ զոհարեութիւն:

Զոհողութիւնը կ'ըլլայ նիւթական եւ բարոյական:
 Անոնք որ զրկուած են նիւթական լայն միջոցներէ՝ կա-
 րող են իրենց ազգին օգտակար հանդիսանալ բարոյա-
 պէս: Գրեչը, միաքը եւ բաղուկը միշտ կարելի է սպաս
 դնել հայրենիքի բարօրութեան: Բարոյական այնպիսի
 ծառայութիւններ եւ զոհողութիւններ կան, զոր դրամը
 չի կրնար փոխարինել, ինչպէս պարագաներ ալ կան ուր
 դրամը միայն կրնայ փրկել կացութիւնը, բայց այն ա-
 սեն ալ ամէն պարտաճանաչ մարդ կրնայ իր համեստա-
 զօյն լուծան դնել ազգային դանձանակին մէջ: Ինչպէս
 կաթիլներով գետը ծով կ'ըլլայ, այնպէս ալ լուծաներով
 միլիոններ կրնան հաւաքուիլ: Իրաւամբ Բարեգործա-
 կանը նմանցուցած են աւագանի մը որ ունի ստացող եւ
 բաշխող ծորակներ, եւ ո՛րքան շատ ստանայ աւագանը,
 ա՛յնքան շատ կրնայ բաշխել մեր ազգին պէտքերուն
 համար, իսկ եթէ չստանայ՝ բաշխող ծորակները ոչինչ
 կրնան բաշխել:

Ո՛րքան բախտաւոր եւ որքան երախտագիտութեան
 արժանի է այն մարդը՝ որ իր բարոյական ուժերը նը-
 ւիրելէ վերջ իր նիւթական օժանդակութիւնն ալ կը
 արամագրէ ազգային կարօտութեանց:

Դարերու պատմութիւնը ցոյց կուտայ որ հայը՝
 միշտ հալածուած, եղած է բարեգործ, մի՛շտ սիրտբուխ՝
 մի՛շտ զոհարերող: Յեղաջին մեծ առաքինութիւն մը որ

աւանդական դարձած է: Հայը տուող է, մի՛շտ տուած է
ան, բայց առանց ուղղութեան, առանց նախընտարանքի,
և այդ պակասը լեցուցած է Հ. Բ. Լ. Միութիւնը իր
գործնական ծրագիրներովը որ իբր ուղեցոյց ծառայած
են բարեփոխութեան:

Սակայն պէտք է խոստովանել թէ բազմամար մեր
ազգին մէջ հազուադիւրս են այն հարուստները որ վերո-
յիշեալ բարեմասնութիւնները կը մարմնացնեն իրենց
վրայ:

Ընդհանրապէս դիտուած է որ հարուստի մը սիրտը
աղքատ կ'ըլլայ: Ընչաքաղցութեան և եռասիրութեան ո-
գին թոյլ չիտար անոր, կը զրկէ անիկա իր ազգին օգ-
նելու անփոխարինելի հաճոյքէն, բարեգործութեան առ-
թած կազմուրով երջանկութեանէն:

Բարեբախտաբար, թէև հազուադիւրս, բայց ունեցած
ենք նիւթական և բարոյական գոհաբերութեան վեհանձն
ուզիով օժտուած բացառիկ դէմքեր, որոնց անուներ ամէն
հայ օրհնութեամբ կը յիշէ:

Արդի հայ իրականութեան մեծագոյն բարերարնե-
րէն մէկն է աներկբայօրէն Պօղոս Նուպար փաշա: Անիկա
զաւակն է մեծանուն Նուպար փաշայի, որ իր բար-
ձրը ձիւրքերուն և կարողութեան շնորհիւ քանիցս նա-
խարարապետ և անգամ մը Խախտական Տեղակալ եղած է
Փարաւոններու երկրին մէջ:

Պօղոս Նուպար, իր բարեյիշատակ հօրը արժանաւոր
զաւակն էր: Անիկա համարարան տեսած մեծ զարգացու-
մի տէր մասւնորական մըն էր ամէն բանէ առաջ, և, լը-
նութեանէն օժտուած ըլլալով բարի և զգայուն սիրտով
մը, դժբախտներուն և տառապեալներուն համար միշտ
բարձր մտածում մը և վեհանձն մէսթ մը ունեցած է:

Պօղոս Նուպար իր զգայուն սրտին հետ ունէր նաև
նիւթական լայն միջոցներ: Անիկա երկուքն ալ հաւա-
սաբապէս արամազրեց իր հալածուած ու կեղեքուած ազ-
գին ձեռքազատումին և իր թշուառ ազգակիցներուն բա-
րեբախտումին:

Ամէն հայ գիտ, թէ ի՛նչ հաւատքով և ոգևորու-

թեամբ հայկական դատին ախոյեանը հանդիսացաւ, եր-
կիցս որպէս նախագահը Ազգ. Պատուիրակութեան, և
քանիցս յաջողեցաւ իրականացնել մեր ազգային ծրա-
գիրները, մինչև որ աշխարհիս մեծերը վերջիվերջոյ
հայ ազգը լքեցին իր բախտին, բոլորովին անպաշտպան-
աստանդակ, ընչազուրկ և հայրենազուրկ:

Առաջին անգամ 1905 ին, երբ ի՛ր քանայաստանի գա-
ւառները հալածանքի սակ և չքաւորութեան մէջ կը տա-
ռապէին, երբ հայ գիւղացին անգոր էր իր արտը վարե-
լու կամ զուակը կրթելու, հայրենիքէն հեռու գանուող
այս ճշմարիտ Հայը, հակառակ որ օտար դաստիարակու-
թիւն մը ստացած էր, մտալիլուեցաւ և անոնց եղկելի
վիճակը բարւոքելու համար արմատական միջոցներ խոր-
հեցաւ:

Այս նպատակաւ անիկա 1906 թուականին Գահիրէի
մէջ հիմնեց Հայկական Բարեգործական Ընդհանուր Մի-
ութիւնը, որուն առաջին հիմնադրամը կազմելու համար
ինք և իր համախոհները կարևոր գումարներ նուիրե-
ցին առաջին օրն իսկ:

Աւելի քան բարեգործական, ազգակերտումի այս
հսկայ Միութիւնն է որ հեռզհեռէ աւելի ևս բարգաւաճ-
կ'ապրի, որպէս ներկայ հայ ախուր իրականութեան ա-
մենէն գեղեցիկ և սրտապնդիչ երեւոյթը, որպէս հայ
ժողովուրդին կարողին և հաստատակամութեան ամենա-
հզօր ապացոյցը:

Պօղոս Նուպար ո՛չ միայն Բարեգործականի հայրը
եղաւ, այլ հայ ժողովուրդին որ անկեղծօրէն սիրեց ու
յարգեց այս անգուգական հայրենասէրը:

Որքան խելացի և ազդեցիկ, նոյնքան համեստ և
բարի այս մեծ Հայը գիտցաւ հաստատ հիմքու վրայ դը-
նել Հ. Բ. Լ. Միութիւնը, անոր ապահովելով բազմա-
թիւ կուսակներ և նուիրատուութիւններ, զոր իր շքեղ
օրինակին հետեւող պատուական հայեր կարծես իրարու
հետ մրցելով հեռզհեռէ վստահեցան: Այդ այլազան հիմ-
նադրամներու համագումարն է 800,000 անգլ. սակի (այ-
սինքն 4 միլիոն սօլար) ինչ որ, իբրև համազգային բա-

րեզորքական դրամադրուխ աննախընթաց է մեր ազգային տարեգրութեանց մէջ, մանաւանդ երբ նկատի ունենանք որ նոյնքան գումար մը ևս Հ. Բ. Ը. Միութիւնը յատկացուցած է նպաստներու և բազմաթիւ ազգոգում ձեռնարկներու և հիմնարկներու, որով համագումարը կ'ըլլայ 8 միլիոն սօլարի պատկանելի հասոյթ մը:

Մասնաւորապէս նկատելի է որ այս մեծ Հայը համոզուած որ նոր սերունդին ազգային դաստիարակութեան շնորհիւ կարելի պիտի ըլլայ ազգապահպանումի կենսական գործը ապահովել, իր հիմնադրամներուն մեծագոյն մասը յատկացուց մշակութային ձեռնարկներու, որոնցմէ յիշենք Պրիւսէլի Նուպարեան սաներու հիմնարկութիւնը, Փարիզի Նուպարեան մատենադարանը, Գահիրէի Գալուստեան վարժարանը, Հելլոբոլիսի Նուպարեան վարժարանը, Երեւանի պետական համալսարանի մրցանակը:

Իր զեղեցիկ աւանդութեան հուստարիմ գործակիցներ եղած են, իր զմայլելի քոյրը Տիկ. Նոյեմի Գափամաճեան, ինչպէս և իր ազգասէր զաւակները որ Երեւանի մէջ կառուցին Բարեգործականի Տունը, զխանականներու համար:

Հայաստանի կառավարութիւնը, զնահատելով Պօղոս Նուպար փաշայի հայրենասիրական զգացումները, բացառիկ պատիւն ըրաւ Հ. Բ. Ը. Միութեան ծրագրած աւանը յորջորջելով ՆՈՒՊԱՐԱՇԷՆ, ի յարգանս անոր հիմնադրին:

Նոր սերունդը ո՛րքան աւելի երախտագիտութեամբ պէտք է յարգէ յիշատակը այս մեծ բարերարին, որուն շնորհիւ Հ. Բ. Ը. Միութիւնը այսօր հարիւրաւոր դըպրոցներու պաշտպան կանգնած է, աւելի քան 15000 երկսեռ աշակերտներու սոնմային առողջ դաստիարակութիւնը, ինչպէս և համալսարանական ուսանողներու բարձրագոյն ուսումը ապահովելով, որպէս զի իբրև մասնագէտներ փայլուն ապագայի մը տիրանան, նախընտրելով Հայաստանի մէջ օգտակար քաղաքացիներ հանդիսանալ:

Մէկ խօսքով, Պօղոս Նուպար իր սիրաբ և քսակը հաւասար կերպով նուիրեց ազգին: Հակառակ հայրենիքէն այնքան հեռու ապրելուն և նոյն իսկ հակառակ հազիւ քիչ մը հայերէն գիտնալուն, ան զգաց իր երակններուն մէջ աւելի ջերմօրէն հոսող հայ արիւնը և վառ մընաց միշտ իր մէջ ցեղային գիտակցութեան բարձր զգացումը:

Ահա՛ թէ ո՛ւր էր անոր մեծութիւնը:

Մեռաւ այս անմահ Հայը 1930 թուականին, ազգին ազատութիւնն ու երջանկութիւնը երազելով, այն ազատութիւնը որուն համար իր նիւթականին հետ գոհարբեց նաև իր բովանդակ կորովն ու եռանդը: Բայց անոր անունը և բարի յիշատակը կ'ապրի և յաւէտ պիտի ապրի հայութեան երախտագէտ սրտին մէջ:

Թո՛ղ անիկա հայրենասիրութեան իբր օրինակ ծառայէ ամէն հայու:

ՊԱՇՏԵԼԻ ՄԻՈՒԹԻՒՆ

Անցան սուգի օրեր տխուր.
Կը հեռանան ամպերը սեւ.
Միութիւնը մի, ընդհանուր,
Նոր յոյս բերաւ կենսապարգել:

Կեցցե՛ք Բարեգործ Հայոց Միութիւն,
Թո՛ղ մխիթարուած հրճուի հայութիւն:


Զօրեղ հոգին զուտ Հայկական
Կեանք տուաւ այս մեծ Միութեան.
Զե՛, եղբայրներ, չը վհատինք.
Անցան անձրեւէ, ջիւղ է երկինք:

Օրհնենք Միութեան անուն պաշտելի,
Թո՛ղ Հայուն սիրտը անով խնկարկի:

Օ՛ն Միութեան դրօշին տակ
Նրգենք սիրոյ սուրբ յաղթանակ.
Եւ, ձեռք ձեռքի, եղբայրութեան
Կնկենք ուխտը նուիրական:

Տանք մեր սիրտը, տանք մեր կեանքը եւ քակ,
Միութիւնն ըլլայ թո՛ղ ազգիս պսակ:

ԽՈՍՐՈՎ



ԲՆՈՒԹԵԱՆ ԶԱՅՐՈՅԹԸ

(Ի Բ Ա Վ Է Պ)

Յանկարծ երկիրը դղրդաց, դեռինը խլրտեցաւ,
կարծես դժոխքի խորէն սոսկալի ժխոր մը փրթաւ:

Մարդիկ ահաբեկ կը տատանէին և ի զս՛ւր կը ջա-
նային փախչիլ բնութեան զայրոյթէն:

Երկրաշա՛րժ . . . :

Ո՞վ կը յանդգնի վստահիլ իր քաջութեան, երբ նո-
ղըն իսկ ապահով կուտան մը չէ մարդուս ոտքին տակ:

Ու զանգակները ինքնին կը զօղանջեն, փլուզումի
ահազանգը հնչեցնելով:

Շուները կը կաղկանձեն, երախաները կը ճչան,
կիներ կ'աղաղակեն խուճապահար, մինչ աշխարհը կը շա-
րունակէ ինքն իր վրայ երերալ, տատանիլ, փլչեղու
աստիճան:

Տուներ կը քանդուին, կղմինարներու և ապակի-
ներու դժոխանման ժխորը կը խառնուի փողոցներուն,
իսկ անդին, չարաղէտ դիպուածով բռնկած շէնքեր, ի-
րենց կարմիր բոցերով քաղաքի բնակչութեան սոսկումը
կ'աւելցնեն:

Մի քանի վայրկեանէն մարդկային բազմութեան
ալիք մը կը խուժէ, կը յորդի փողոցներուն մէջ: Ոչ ոք
կը համարձակի ետին դառնալ, տեսնելու համար իր ըն-
տանեկան օճախին քանդուիլը:

Ա՛յնքան մեծ է սոսկումը:

Բնութեան վիթխարի ուժն է որ շղթայազերծուե-
լով զինաթափ կ'ընէ մարդս: Հրդեհը կարելի է մարել,
պատերազմը կարելի է կասեցնել, բայց երկրաշարժը այն
տարերային ահուելի պոռթկումն է, որմէ կը դողան ան-
բան կարծուած անասուններն իսկ, և որուն դէմ մարդ-
կային կարողութիւնը հիւլէի մը արժէքն իսկ չունի:

* * *

Արհաւիրքի այս թոհուբոհին մէջ, երկրաշարժը յանկարծ դիշեր մը աւերակներու վերածեց Փ. քաղաքին մեծ մասը:

Կիներու պոռչուածքը, երախտներու լացը, երխասարգներու սարսափը վերջին դատաստանի մը պատկերը կը ներկայացնեն:

Այսպիսի անաւոր և սրտածմլիկ տեսարանի մը առջև մարդ արարածը, նոյն իսկ ամէնէն անհաւատը՝ բա՛ն մը միտն կրնայ ընել իբրև դարման աղէտին:

Աղօթե՛լ . . . :

Աստուծոյ և ընութեան հեղինակութիւնը մխտոզքանի՛ անձեր տեսնուեցան, որ մանուկի մը պէս կը սահմուկէին, և աղօթքի մը մուկնջ մը իրենց շրթներուն՝ կը պաղատէին երկինքին՝ խնայել իրենց կեանքին:

Ո՛րքան քաղցր է կեանքը:

Քաղցր է մանաւանդ՝ երբ անոր կը սպառնայ մահը:

* * *

Առաւօտ է:

Սմպամած երկինք մը՝ ուրկէ անձրեւը կը մաղուի բացօթեայ դիշերոյ մարդկային խլեակներուն վրայ: Բընութիւնը դեռ կը յամառի իր գայրոյթին մնացորդը թափել անոնց վրայ:

Հողը կ'երերայ միշտ: Ստորերկրեայ խուլ մոնչիւններ կը շարունակեն դեռ սանիքներ փուլ բերել:

Մտա՛յլ վաղորդայն:

Ո՛ւր է արեւը, կենսատու և յուսադրիչ արեւը:

Բնութիւնը կարծես վրէժ ունեցած ըլլար կենդանի արարածներուն դէմ, Փ. քաղաքի մարդոց դէմ:

Յեխերու մէջ առպրակող անմեղ երախտներ հաց կ'ուզեն հիմա, ու կը սարստան, դողահար:

Հարուստն ու աղքատը գոնէ այլեւս հաւասար են իրարու, վասն զի դրամն իսկ անկարող է հաց ձարելու:

Ու այժմ հացի, ապաստանի, դոյութեան պայքարը կը սկսի:

Քաղաքին մէջ ընդհատուած է աշխատանքի կենսարար գործը: Ամէն ոք ցնցումներու սարսափէն անաբեկ, չի համարձակիր շէնքերէն ներս մտնել՝ աշխատութիւնը վերսկսելու համար:

Եւ յիշաւիտ հողը երբեմն կը շարժի դարձեալ, դերաններ կը ձարձառին, ու ամէնէն յանդուգն մարդիկ դուրս կը խուճապեն՝ սարսափահար:

Բայց սոյն ալ կը սպառնայ աղէտեալներուն: Անօթութեան արհաւիրքն ալ սկսած է ծայր աւալ:

* * *

Թշուառութիւնը կատարեալ է, լայց անոր չափ սաստիկ է հողեկան անձկութիւնը: Ո՞վ պիտի օգնէ այս բոլոր խեղճերուն, ո՞վ լոյս մը պիտի ցայտեցնէ այս մութ պատկերին վրայ:

Չիկա՞յ բարեբար ձեռք մը այս խեղճերուն օգնութեան հասնող: Ո՞վ պիտի ապահովէ անոնց հացը, վաղուան ապաստանը, ո՞վ անոնց պիտի հայթայթէ նիւթական միջոցներ, որպէս զի կարենան իրենց աշխատութեամբ և քրտինքով վերանորոգել իրենց կործանած տունը:

Ու մինչդեռ յուսահատութիւնը կը գալարէ իրենց սիրտերը, կը հատնի անա՛ նախախնամական բարեբար ձեռքը, այն ձեռքը՝ որ միշտ առաջինը եղած է կարկառուելու այն աղէտահարներուն որ օգնութեան պէտք ունին:

ԲԱՐԵԿՈՐԾԱԿՍՆԸ:

Փոքրիկները կը մպախն: Հայ մայրը օրհնութեան սրաագին մաղթանք մը կը թրթոացնէ իր շրթունքներուն վրայ, իսկ գործաւոր հայրը երախտագիտական արցունքի կաթիլներ ունի իր աչքերուն մէջ:

Հացը առատօրէն կը բաշխուի Հ. Բ. Ը. Միութեան առաքեալներուն կողմէ: Վրաններ կը հաստատուին անմիջապէս: Հեազհեաէ շատերուն բնակարանները կը նորոգուին, ուրիշներ փոքրիկ դրամագլուխ մը կը ստանան, գարծի մը ձեռնարկելու համար: Այլեւս ուրախու-

Թեամբ կը խայտան դէմքերը, յուսալից վաղուան համար: Երախտներն իսկ կը զգան աչքառու փոփոխութիւնը իրենց կեանքին ու հետաքրքիր կը հարցնեն մայրիկին թէ Աստուած հայրի՞կը հասաւ օգնութեան:

— Այո՛, անուշի՛կ զաւակներս, «Հայուն Աստուած Հայրիկ»ը՝ կը պատասխանէ մայրը, ակնարկելով «Հայկական Բարեգործական Ընդհանուր Միութեան»՝ որ իսկապէս իբրև աստուածային բարերար ձեռք օգնութեան հասաւ և մութ խրճիթները վերածեց ընտանեկան զուարթ ու շէնչող բոյներու:

* * *

Ո՞ր հայ տղան, ո՞ր հայը, ի՞նչ հասակի ալ ըլլայ, ինքզինքին պիտի ներէ անտարբեր գտնուել այսպիսի բարերար Միութեան մը հանդէպ՝ որ կեանք ու մպիտ կը սփռէ իր շուրջը՝ որ միայն ու միայն բարիք ընելու վսեմ կոչումը սուրի չարիքին դէմ, բոլոր չարիքներուն դէմ:

Իսկա՛պէս Հրաշագործ Միութիւն:



«ԵՂԲԱՅՐ ԵՆՔ ՄԵՆՔ»

(ՈՐԲԵՐՈՒ ԿԵԱՆՔԷՆ)

Հազիւ վեց տարեկան էր Հայկ, երբ աքսորի արիւնտա ճամբուն վրայ կորսնցուց իր ծնողքին հետքը: Իր մօրը մէկ հատիկն էր:

Բախաւոր աստղի սակ ծնած, Հայկ մինչև այդ տարիքը ապրած էր հանգիստ ու երջանիկ: Աքսորը ցընցեց իր մանկական հոգին:

Շաբաթներով լացաւ անիկա, երբ արաքները խըլեցին զինքը իր ծնողքէն և տարին իրենց գիւղը:

Որքա՛ն տարբեր էր հոս աշխարհը՝ իր ճանչցած և ապրած աշխարհէն: Կեղտոտ խրճիթի մը չորս պատերուն մէջ, Հայկ վանդակին մէջ բանտարկուած փոքրիկ թըռչնիկի մը կը նմանէր:

Ո՛ւր էին իր մայրիկը, մեծ մայրը և հայրիկը, որ գիրկէ գիրկ և համբոյրէ համբոյր կը թոցնէին զինքը:

Ի՞նչո՞ւ զինքը բռնի հոս բերած էին մարդիկ:

Ի՞նչ կ'ուզէին իրմէ: Չարութի՞ւն մը ըրած էր արդեօք ակամայ ու գինքը պատած էին, ինչպէս յաճախ կը սպառնար իրեն մայրիկը՝ երբ անառակութիւն մը ըրած ըլլար ատն մէջ: Որքա՛ն անգութ եղած էր ուրեմն մայրիկը:

Ափսո՛ս իր մանկական ուղեղէն փրթող «ինչո՞ւ» ները պատասխան չունէին: Ճակատագիրը երբեմն այնքան անողոք է որ անմեղ մանկան իսկ բացատրութիւն չի տար:

Ու Հայկ, շաբաթներու սրտածմլիկ լաց ու կոծէ վերջ, կամաց կամաց սկսաւ ընտելանալ զինքը «որդեղրող» արաքներու սև ու դաժան դէմքերուն: Ի՞նչքան սղեղ էին անոնք և ի՞նչքան անսիրտ, Աստուած՝ իմ:

Բռունցքի ի՞նչ կոշա հարուածներ ստացած էր իր նոր հայրիկէն, աղբիւրէն շուրը ուշացնելուն համար: Ինք բնաւ չէր յիշեր որ իր նախկին բարի հայրը զինքը ծեծած ըլլար այսպիսի չնչին յանցանքի մը համար:

Ո՞ւր էր միւս հայրիկը հիմա, ո՞ւր էր:

Խեղճ փոքրիկ: Կը սառնապէր՝ ի՞նչ զգացումներուն և մաքի նեղ սահմաններուն ներած չափով: Բայց օրըստօրէ կ'ըմբռնէր այլանդակ աշխարհն ու կեանքը՝ որուն մէջ կ'ապրէր այժմ ինքը՝ ճարահատ:

Ամիսները և տարիները ստիպեցին զինքը վարժուել նոր կեանքին և նոր լեզուին: Հինը կամաց կամաց խոյս կուտար իր մանկական յիշողութենէն: Վառվռուն աչքերուն բոցը կը մարէր հեղձեակ և մորթին գոյնն իսկ կը փոխուէր, կիզիչ արեւին ճառագայթներուն տակ:

Համակերպութեան ոգին սկսած էր ծաւալել Հայկի ամբողջ էութեան մէջ:

Փոքրիկ մարդ մըն էր ա՛լ անիկա: Լեռներու կողին և դաշտերու տարածութեան վրայ ապրող հովիւ մը՝ որ ուսէն կախած էր մախող մը՝ իսկ ձեռքն ունէր ցուպ մը: Հովիւի ցուպը:

Դժբա՛խտ հայ աղայ:

Անշուք և կտրած սրինդ մը ձեռք ձգած էր՝ զոր կը հնչեցնէր երբեմն ու կ'ուրախանար:

Միայնութեան իր ընկերն էր սրինդը:

Այսպէս՝ չորս տարիէն աւելի անցաւ, մանկան մը համար ճակատագրական տարիներ՝ որ աւլեցին ու սրբեցին անցելի ամէն հեռք երախային մատաղ յիշողութենէն:

Յաճախ, անծանօթ բռներ կու գային լեզուին տակ բնազդաբար:

Հա՛յրիկ, մա՛յրիկ, մե՛ծ մայր . . . :

Անծանօթ:

Ու կը սկսէր չարչարել իր փոքրիկ ուղեղը մտարեւելու համար թէ ուրի՞ց կու գային այս բռները, ի՞նչ էին անոնք. ո՞վ սորվեցուցեր էր իրեն:

Ու անատուններու նախիրին մէջ, տարուէ տարի, Հայկի բանականութիւնը, միտքը, զգացումները կը սկսէին բթանալ, թմբել ու չքանալ: Ինքն ալ կենդանական կեանք մը ապրելու կը վարժուէր:

* * *

Երբ զինազարդէն վերջ ազատագրուեցաւ Հայկ ու սրբանոց դրուեցաւ, սկիզբը չկրցաւ հանդուրժել այս նոր կեանքին: Բանի անդամ փորձեց փախչիլ, բայց բռնի վար դրին զինքը:

Այս անգամ՝ չէք ազան փնտսեց ազատ լեռներն ու դաշտերը, ոչխարներն ու կտրած սրինդը: Ինչո՞ւ անհանգիստ ըրին զինքը: Կատաղի ու վայրագ կորուսն մըն էր այժմ ու կը յարձակէր յաճախ իր ընկերներուն վրայ:

Լեռան կեանքի բնազդական հակումները կը պաշարէին զինքը յաճախ:

Բայց, ատուածային չնորձ օրէ օր կը կաթէր Հայկի ըմբոստ հոգիին վրայ: Երազէ արթնցածի պէս կը յիչէր շա՛տ հին կեանք մը: Երբ արար լեզուն սկսաւ պարտուիլ և հայերէն կցկատուր բռները մարմին առին իր լեզուին վրայ, Հայկ կը զզար թէ այս բռներուն անծանօթ չէր ինք:

Այլևս պատանի մըն էր անիկա: Որբանոցի երեք տարուան կեանքը վերադարձուցած էր դայն «Հայրիկ» ին ու «Մայրիկ» ին:

Բայց ո՞ւր էին անոնք: Սկսաւ լրջօրէն հեռաքրքրուել իր անցեալով՝ որուն թանձր քողը կը պատէր հեղձեակ: Հայկ սրբանոցի իր ընկերոջ Արամի հետ մըտերմացած էր եղբոր մը պէս: Երկուքն ալ իրարու կը հարցնէին թէ ի՞նչ եղած էին իրենց ծնողքը:

Ու նորէն կը պատէր մտայրութիւնը անոնց պատանեկան անմեղ դէմքերը: Դպրոց - Որբանոցին մէջ հինգ հարիւր հոգիէն աւելի էին:

Հայկ և Արամ սարսափով կը հարցնէին իրարու թէ արդեօք բոլորն ալ հայր մայր չունէին: Ի՞նչ եղած էին անոնք:

Մաքի և ֆիզիքական հասունութեան առաջին քայլին մէջ, անոնք, այդ երկու հայրիկները, անցեալին մէջ կը նշմարէին եղերական սոսկալի դէպք մը, անաւոր եղերութիւն մը՝ որուն մէջ ապրած ըլլալու էին իրենք և իրենց ծնողքը անհետացած:

Ու կամաց կամաց անոնք իրարու կը պատմէին,

քաղցր ու ախուր մտերմութեամբ մը, իրենց կեանքի գրուագիւնները, կցկատւր յուշերով:

* * *

Որբանոցի Տնօրէնը սևեր հագած շուարած կնոջ մը կ'ըսէր՝

—Մի յուսահատի՛ք, աիկի'ն, մեծ է նախանձամուծութեան դօրութիւնը: Կը հաւատամ որ պիտի գտնէք ձեր կորսնցուցած զաւակը:

— Ափսո՛ս, կը հատաչէր ՚էք կիներ հեծկլտալով, գրեթէ բոլոր որբանոցները պաշտեցայ: Վերջին յոյսս հաս էր: Ամէն կողմ թափառեցայ բայց փոքրիկ Հայկս չկրցայ գտնել: Բազմաչէն կորսնցուցի զայն: Արաբներ առևանդեցին զինքը: Ամբողջ ութ տարի է որ կը փնտռեմ զաւակս:

Ու աիկին Սիրան կը հեկեկար անվերջ:

Վերջին դասարանն էր որ կը մտնէին փնտռելու համար Հայկը:

Հա՞յկ: Տնօրէնը սկսաւ մտատանջուիլ:

Այդ անունով աշակերտ չկար դասարանին մէջ:

Իրողութիւնը այն է որ երբ Հայկ ազատագրուեցաւ արաբներու ձեռքէն, իր անունը չէր յիշեր ու որբախնամ մարմինը զինքը մկրտած էր «Ազատ» անունով:

Ու Տնօրէնը բախտին ապաւինելով վերջին դասարանը առաջնորդեց սրգեկորայս մայրը, որ սաստիկ յուզումով և կարօտով լեցուած, կը դողար ամբողջ մարմինովը:

Հայկ - Ազատ իր որբ-եղբօր Արամի հետ կը խօսուըռաէր:

Տիկին Սիրան, բոլոր աշակերտները մէկ ակնարկով դիտելու իր անձամբեր ճիգին մէջ, պահ մը շուարեցաւ և բան մը չկրցաւ տեսնել: Բայց հետզհետէ իր պաղարիւնը գտնելով սկսաւ մէկիկ մէկիկ դիտել սպառնալից աշակերտներուն դիմագիծերը, անսնց կը նայէր պիշ պիշ:

Ափսո՛ս, ի դուր էր իր փնտոտուքը:

Յուսահատարար նայեցաւ Տնօրէնին:

Բայց Տնօրէնը, որ տեղեակ էր Հայկի անուան պարագաներուն, ներշնչուած մը ունեցաւ:

— Ազա՛տ, գոչեց անիկա Հայկին՝ որ ամէնէն ետեի նստարանին վրայ նստած էր, սաքի ելի՛ր աղաս, քեզի բան մը պիտի հարցնեմ:

Ազատ սաքի ելաւ և սկսաւ քիչ մը ամչկոտ նայիլ Տնօրէնին և անծանօթ աիկնոջ:

Տիկին Սիրան մօտեցաւ Հայկին, ուժգին նայուածք մը նետեց անոր վրայ, պահ մը դամուած մնաց կեցած անդը և յանկարծ ճիչ մը արձակելով, խոյացաւ Հայկի վրայ և զայն խենթի մը պէս գրկելով պոռայ:

— Զաւա՛կս, անուշի՛կ Հայկս:

Կորսուած գտոր իր խանդակաթ մօր գրկին մէջն էր արդէն:

Ութ տարուան տառապալից կարօտ մը իր իրաւունքը կը ստանար:

Պահ մըն է այս, մայրական սիրոյ և երջանկութեան գերագոյն պահ մը՝ զոր գրչով նկարագրելը, նսեմացնել է զայն:

Այդ պահը կ'ապրուի միայն:

Տիկին Սիրան իր զաւակը ճանչցած էր անոր սև ու բոցեղէն աչքերէն և ձախ այտի վրայի պիտակէն:

Ուրախութենէն շլմորած մայրը կ'աճապարէր:

— Երթա՛նք, զաւակս, քեզի համար ամբողջ աշխարհը թափառեցայ:

Երթա՛նք . . . :

Հապա Արա՞մը . . . :

Ու Հայկ, յուզուած, որքան մօրը կարօտի արցունքներէն, նոյնքան և Արամի եղբայրական քաղցր նայուածքէն՝

— Մայրի՛կ, մայրի՛կ, ըսաւ, չեմ կրնար Արամը մինակ ձգել հոս:

— Արա՞մը:

— Այո՛, մայր, Արամին հետ ԵՂԲԱՅԻ ԵՆՔ ՄԵՆՎ, կ'ուզեմ որ ան ալ ընկերանայ մեզի:

Տիկին Սիրան գրկեց Արամն ալ, համբուրեց ու որբ

դեզրեց զայն:

Ու երկու սիրուն զաւակներով բեռնաւորուած, երջանիկ մայրը դարձաւ Տնօրէնին և ըսաւ՝

— Պարոն, երախտապարտ եմ Հայոց Բարեգործական Ընդհանուր Միութեան որ աշխարհիս մէջ միակ յոյսս եղող զաւակս գերութենէ ազատագրեց, խնամեց եւ կրթեց տարիներով, հազարաւոր որբերու հետ, եւ այժմ ինձի կը վերադարձնէ զայն մարմնով եւ հոգիով դաստիարակելէ վերջ:

— Շնորհակալ եմք եւ ցմահ երախտապարտ Հայ Բարեգործականին, կրկնեցին Հայկ-Ազատ և Արամ, և Տնօրէնին ձեռքերը համբուրելէ վերջ, հրածեչախ սիրազեղ խօսքերով «մնաք բարս'վ» ըսին իրենց ճակատագրի եղբայրներուն, ու գացին իրենց մօր հետ ընտանեկան օճախներ շէնցեցելու:

Մինչ դասարանի սրբ աղոց ակօնջին մէջ դեռ կը հնչէին Հայկ-Ազատի քաղցր բառերը՝

— «Նղբայր ենք մենք»:



ՊԱՇՏՕՆԱԿԱՆ ՔԱՅԼԵՐԳ
Հ. Բ. Ը. ՄԻՈՒԹԵԱՆ

ՓԱ՛ՌՔ ՄԻՈՒԹԵԱՆ

Աւետի՛ս, հայեր, ա՛լ սուզը մեկդի,
Նոր արեւ ծագեց մեր ազգին վերել:
Հայութիւնն ամբողջ կու տայ ձեռք ձեռքի՛
Հայկական Միութեան դրօշին ներքեւ:

Հայե՛ր, միանանք մեկ սիրտ մեկ հոգի՛
Ազգաշինութեան վրասմ գործին շուրջ.
Մոռնալով վերքերն եւ սխտեքեկի,
Ժամ է որ բլլանք վաղուան աչալուրջ:

Հարուստ ու աղքատ, անուս քե գիտուն,
Երբանք կանգնելու օճախը կործան,
Երբանք հիմնելու դպրոց, գործատուն,
Երբանք մըշակին տալ ցանք ու լծկան:

Երբ նիշդ է որ Միութիւնն է միայն
Վերջին զօրութիւնն ազգիս քառուխանդ,
Մեկ սիրտ մեկ հոգի՛ փութանք Միութեան
Սուրբ գործին բերել մեր ուխտն ու եռանդ:

Վ. ՄԱԼԻՉԵԱՆ

ԾԱՆՅՈՒԹ.— Սոյն պաշտօնական քայլերգը նուազադրուած է յայտնի երաժշտագէտ Տ. Յ. Սինան-եանի կողմէ:



Բ Ա Ր Ե Գ Ո Ր Ծ Ա Կ Ա Ն

(Յ Ա Ն Թ Է Ջ Ի)

Բարեգործական,
 Անուն պատուական,
 Որ մեկ փառորդ դար
 Անդուլ անդադար,
 Սփռեց անհամար
 Բարիք մեզ համար:
 Անո՛ր կը նային
 Աղ փառն ու այրին,
 Ծարաւի ուսման
 Որբերն աննման:
 Այս զուտ հայկական
 Վսեմ օգնութեան
 Գործին սրբազան
 Պետք է միանալ,
 Իբրեւ պարտք աւագ,
 Այրիին նման
 Տալով ձեռ լուսան
 Համեստ կամ լրման:
 Ջանքերով յամառ
 Ընելու համար
 Բազմազան բարիք,
 Պետք է որ փարիք
 Բարեգործական
 Հայրց Միութեան,
 Որ քե Հայաստան
 Եւ արտասահման
 Կանգնեց բարութեան
 Կորողներ տիտան:
 Ձեզ ցոյց պիտի տան
 Հայաստանի մեջ

Փարոսներ անշեջ
 Ակնաբուծարան,
 Ուր լոյս կ'ստանան
 Աչքերը հիւանդ,
 Եւ տուն արգաւանդ
 Մայրանոցն անգին՝
 Ուր անոք հայ կին
 Կու տայ հայ զաւկին
 Կեանք քանկագին:
 Իսկ Նուպարաշէն
 Աւան հայաշէն,
 Որ կանգնի ազատ,
 Կայան հարազատ
 Գաղթական հայուն,
 Անոր յոյսն անհուն:
 Մինչ արտասահման
 Ապրող հայ տղան,
 Շնորհիւ Հայկական
 Այս մեծ Միութեան
 Որ պահէ լքիւ
 Գարոցներ անքիւ,
 Կ'ըլլայ մարդն առի
 Վեհ գաղափարի
 Որ սրբտով փար
 Գործերու բարի:
 Ուրեմն ամեն մարդ,
 Ծեր, երիտասարդ,
 Կիներ մանկամարդ,
 Գունդագունդ բո՛ղ գան,
 Ուժ տան Միութեան
 Բ Ա Ր Ե Գ Ո Ր Ծ Ա Կ Ա Ն:

Տ Ա Ռ Ա Խ Ա Ղ

Ա.

Բ Ա Ռ
 Հ Ա Յ Ր
 Ա Ր Ա Մ
 Յ Ե Ն Ա Կ
 Ա Գ Ռ Ա Ի
 Ս Ո Խ Ա Կ
 Տ Ր Յ Ա Կ
 Ա Ծ Ե Լ Ի
 Ն Ա Խ Ի Ր
 Կ Ի Ր
 Ա Ր Տ
 Ն Ե Տ

Առաջին և երկրորդ նշանակեալն ուղղաձիգ կերպով
 դէպի վար պիտի կարդաք երկու անբաժանելի, ներդաշ-
 նակ և գեղեցիկ անուսները որ ամէն հայու սրտին կը
 խօսին:

Բ.

Հ Ա Յ

Ա Ր Ի

Ե Ր Ա Ջ Է

Հ Ա Յ Ր Ե Ն Ի

Ա Մ Ե Ն Ա Շ Ք Ե Ղ

Հ Ս Կ Ա Յ Տ Ի Տ Ա Ն Ը

Վեց բառերէ կազմուած այս ստղերուն մէջանդ եօթերորդ բառ մը եւս կայ: Կա՛նք այդ բառը՝ որ անունն է գիրերէ շինուած այս պատկերին:



Հ. Բ. Ը. ՄԻՈՒԹԵԱՆ

ՀԻՄՆ. ԿԱՆՈՆԱԳՐԷՆ ՔԱՂՈՒԱԾՔ

ՅՕԴՈՒԱԾ 1

Հայկական Բարեգ. Ընդհանուր Միութեան նըպաստին է՝

Ա. — Օժանդակել Հայ Ժողովուրդին և իր հայրենիքին մտաւոր և բարոյական զարգացման:

Բ. — Օգնել անոնց նիւթական և անտեսական վիճակին բարելաւման:

Գ. — Քաջալերել սոյն արդիւնքները յատաջ բերելու ծառայող ամէն ձեռնարկ ու հրատարակութիւն:

Ընկերակցութիւնը մարդասիրական Հաստատութիւն մըն է. ո և է քաղաքական կամ առեւտրական հանգամանք չունի: Այս պայմանը հիմնական է:

ՅՕԴՈՒԱԾ 6

Միութեան ամէն անգամ իր ընդունելութեան ժամանակ պարտաւոր է վճարել մուտքի տուրք մը և անդամավճար մը՝ որոնց քանակը ինք ազատ է որոշելու: Սակայն ոչ մէկ ատեն մուտքի տուրքը Զուիցերական երկու ֆրանքէ և ամսական անդամավճարը Զուիցերական մէկ ֆրանքէ պակաս չեն կրնար ըլլալ: Զանազան երկիրներ բնակող անդամներու համար սոյն գումարները պէտք է վերածուին միևնույն արժէքը ներկայացնող տեղական գրամներու:

ՅՕԴ-ՈՒՍԾ 7

Ա. — Բարերար Անդամի տիտղոսը կը տրուի այն անձերուն՝ որ մէկ անգամէն առնուազն 25000 Զուիցերական Ֆրանքի համարժէք նուիրատուութիւն մը կ'ընեն Միութեան:

Բ. — Պատույ Անդամի տիտղոսը կը տրուի այն անձերուն՝ որ մէկ անգամէն առնուազն 10000 Զուիցերական Ֆրանքի համարժէք նուիրատուութիւն մը կ'ընեն:

Գ. — Յիշանս Անդամի տիտղոսը կը տրուի այն անձերուն՝ որ մէկ անգամէն առնուազն 5000 Զուիցերական Ֆրանքի համարժէք մուտքի միանուազ նուիրատուութիւն մը կ'ընեն:

Բաց աստի՛, Կեզր. Վարչ. Ժողովը կրնայ այդ տիտղոսը տալ բոլոր այն անձերուն՝ որ բացառիկ ծառայութիւններ կը մատուցանեն Միութեան:



«Ազգային գրադարան»



NL0218821

ՀԱՅԸ ՀԱՅՈՎ ՀԱՅՈՒՆ ՀԱՄԱՐ

Ազգային համերաշխոջքեան տեսակետով, Հայկական Բարեգործական Ընդհանուր Միութիւնը այն միակ համազգային կազմակերպութիւնն է՝ ոչ ոք ալեւն դաշանանքի, դատակարգի եւ հոսանքի Հայեր սնիտիր կրնան գտնել համագործակցութեան խաղաղ եւ մաքուր գետին մը, նուիրուելու համար ազգայահայանունի եւ հայրենաշինութեան այն բարձր նպատակներուն գոր կը հետապնդէ այս Միութիւնը:

ՄԻՈՒԹԻՒՆԸ ԶԳՐՈՒԹԻՒՆ Է

Անխտիր ալեւն Հայ կրնայ սնդամակցիլ
 Հ. Բ. Ը. Միութեան, վ. մարելով միանուագ տուրք
 մը (առնուագն 2 գոշիցերիական ֆրանք կամ
 համարժեքը) եւ ամսական սնդամավճար մը
 (նուագագոյն 1 գոշիցերիական ֆրանք կամ հա-
 մարժեքը):

Հիմն. կեդրոնատեղի — Լոզան
 Վլարչ. կեդրոնատեղի — Բարիզ

Union Générale Arménienne de Bienfaisance
 11 Square Alboni, Paris 16

Գլին՝ 12 յեռա կամ 3 ֆրնս. ֆրանք: